Алишер НАВОИЙ

МУНШАОТ

Муқаддима

Хамди мавфур ул сониътаким илми муншийси сунъ қалами била каломи мажид иншосин офариниш аврокита рақам қилди, то офариниш аҳли анинг аҳкоми била амал қилтайлар ва яҳшини ёмондину қилурни қилмасдин билгайлар 1.

Ул ҳокимким омдурур эҳсони, Шаҳлар бошиға нофиз анинг фармони, Фармониға иншо сувари қуръони, Иншосига эъжоз келиб арзони.

жалла алоуху ва аммат наъмоуху².

Ва дуруди номахсур ул рофиъғаким, шаръи муфтиси килки амри била шариати ҳамид имлоси замон саҳойифиға ёзилди, то замон эли аниинг амр ва наҳйиси била иштиғол кўргузиб ҳато пайдосидин савоби тариқиға росиҳ бўлгайлар³.

Ул шоҳки моян фасоҳат келди, Ҳар нукта анга маҳзи балоғат келди, Ҳақдин иши оламға рисолат келди, Шони бу рисолатда адолат келди.

Саллаллоху алайхи ва ало олихи ва асхобихи 4 .

Аммо баъд: ажиллаи асҳоб оллида аидоқ маъруз бўлур ва аиззаи аҳбоб хизматида андок арзға еткурулурким, атрок иншосида ва бу аҳли идрок баёну адосидаким, бировдин бировга руқъа ёзғай, ё ул киши ул руқъаға жавоб битигай, дағи руқъа келтурган қосидни қайтарған — алфози латофатдин муарро ва тарокиби балоғатдин мубарро эрди ва адоси рангин фиқаротдин намойишсиз ва мазмуни рангин абётдин оройишсиз ва муқобалада форсий алфознинг иншолари дилписанд ва макотибу имлолари аржуманд эрди, хаёлға андоқ келдиким, турк алфозининг дағи руқъалари ҳамул мисол била битилгай ва бу тилнинг номаларини ҳам ўшул минвал билан сабт этилгай. Оз фурсатда бу руқъалар жамъ бўлиб ва номалар йиғилиб эрдиким, бу авроқ зимнида сабт бўлди.

Рубоия:

Хар кимки ани ўкурни бунёд этгай, Рокимни агар дуо била ёд этгай, Тенгри они хар банддин озод этгай, Хар ғамдин анинг хотирини шод этгай.

1

Тоғ—тоғ ниёз рафъидин сўнгра қоф-қоф ихлос юзидин маъруз улким, бу фаслдаким, наврўз насимининг мушкбезлиғи лола димоғин савдойи ва баҳор салқинининг атрангезлиғи булут мизожин ҳавойи қилибтурур, лоладек савдойилиғдин тоғ ҳавоси қилиб, булутдек ҳавойилиғдин

қаё савдоси бошқа тушти. Чун ул бийик пояға сарафрозлик ва ул олий мақомда анжуманпардозлиқ даст берди, манзиле кўрулди, сахо аҳли ҳимматидин рафеъроқ ва бисоте топилди, зако ҳайдининг ҳаёлидин бадеъроқ.

Маснавия: Кўк сабзаси кўкка еткуруб бош, Ул кўкта бўлуб нужум ушоқ тош,

Авжики битиб фалак симоғин, Қоплондин олиб қамар тувоғин,

Хам субх шамомаси сумансо, Хам шом насими сунбулосо.

Сарбаландлиғи сабза тилидин «Ва иза—с—самоу кайфа руфиъат» аъдосиға жорий ва побаржолиғи садо такриридин «ва изал жиболу кайфа нусибат» баёниға зокир. Мунунгдек дилкушо масканда бахорий булут қатороти лола жомиға тушгани қарроба саҳобидин бода селин лолагун жомға куймоққа боис кўрунди ва бу янглиғ руҳафзо маъманда барқ ламъасидин тийра тошлар санг—кабоб пишургали чақмоқ чаққали муқтазий бўлди. Ва лекин ул баҳори ҳаёт суҳбатидин айру лола аҳбоб жониға доғ ўртагали шуълае ва ҳар қатра асҳоб ҳаёти шамъини ўчургали. Дажлае эрди — густохлик юзидин фалонни куллуққа йиборилди, агар кўҳнавард ашҳабни кулла азиматиға сурулса ва анинг хоро шикоф тувоғидин секриган ўт била барқ ламъасидек мунтазирлар кўзларин ёрутулса, тоғдин қуёш чиққондек бўлғай ва баҳордин гул очилғондек кўрунгай.

Р у б о и й: То фасли бахор зеби олам бўлғай, Ул зеб ила боғ сабзу хуррам бўлғай. Лутфунг ҳар бир элга дамодам бўлғай, Гаҳ—гаҳ бизим жонибимиз ҳам бўлғай.

2

Чун мехр ўтидин самандар ўлди саратон, Оташкададек тутошти гулзори жахон, Эрмас бу исиғ гунашда чиқмоқ имкон, Хуштур кишига бўлса совуғ соя макон.

Чун сипехр заргарининг анбури учидан бир кулича олтун секриб сувға тушти, яъни чарх корхонасида жавзонинг икки пайқари аросидин қуёш қурси саратон обгириға таҳвил қилди; сипехри куравий заргар кўрасидек меҳр ўтидин ул навъ қизидиким, яқиндурки, фалак тосидин савобит доналари тосдағи қалъий қатаротидек эриб, тома киришгай ва тадвир бўталаридин сайрот сийми сув бўлуб, сиймобдек оқиб, арз кониға етишгай. Биҳор суйидин жаҳон жисми терга ғариқ ва буҳор ўтидин хаёл пайкари ерда ҳариқ.

Маснавий: Дарёға солиб исиғ ҳаво тоб, Тўлғонмоғи ўз—ўзига гирдоб,

Тоғдин кишиким тилаб нишоне, Бир тўда қизиқ кул англаб они,

Хуршед ҳароратидин анжум Ер сояси остида бўлуб гум.

Тинмай югуриб куюн такидин, Кум узра аёғи куймакидин.

Кўк табъиға чун харорат ошиб, Жисмиға шафақдин ўт тутошиб.

Хар насими дилфурўз хаво хароратидан бир самуми жонсўз ва хар зулоли хурўшон харорат шиддатидин бир марақи жўшон.

Назм:

Дегайсен юқорроқ чиқиб замҳарир. Қуйироқ тушубтур сипеҳри асир.

Анинг бирла хуршед ўлуб муттафик, Хавони хам айлаб турур мухтарик.

Уйдин бош чиқормоғлиғ ҳаво оташрезлиғидин мутаассир ва эшикдин аёқ ташқари қуймоғлиғ ер оташангезлиғидин мутааззир, хусусанким, бу заифнинг мизожи неча кун май ўти иштиолиға муштаил учун ҳоло ул иштиол асари табиатда муштаил булубтур.

Байт:

Ох мин—ал—хамри ва холотихи, Ахрақа қалби би хароротихи 7 .

Шеър:

Гах суруклук андокки акшомғи ҳол, Кўрунуб сабуҳий чоғида маҳол,

Гах ул навъ махмуру пажмурдалик, Гах майдин неким, жондин озурдалик.

Бода ўти жисмимға тутошиб, ул ўт дуди, балки шуъласи бошимдин ошқон учун «Ал—узру инда кироминноси мақбулун» мазмунин шафеъ қилиб, бу ниёз руқъасин густоҳлиғ қилинди. Асҳоб мизожи истиқомат сафҳасида «алиф»дек муқим ва аҳбаб табиати эътидол гулшанида сарвдек мустақим бўлсун, омин, ё раббал оламин.

3

Маснавий: Чун хазон барги хусн этар оғоз, Эвурур юзни зохир айлаб ноз.

Р у б о и я: Чун бўлди хазон баргига хусн изхори, Нозин этар оғоз тушуб ҳар сори, Лекин эвурур юзини зоҳир айлаб, Сафрат ангаким зулми фалаки зангори.

Сипехри дуншиор жуз талаввун ва рангомезлик ва рўзгори букаламундисор ғайри дуранглик ва хийлангизлик эрмас учун, ложарам ул биридин гоҳи бисот бўстони ранго—ранг гуллар била музаняндурур ва бу биридин гоҳи бўстон бисоти гуногун яфроғлар била мулавван ва лекин чун баҳор субҳининг ҳар гули куёш гулидек гулбун сипеҳридин тулуъ этса, оқибат хазон офтоб зардиға мунтақилдур ва йигитликнинг ҳар чечаги ахтар чечакларидек сипеҳр гулбунидин очилса охир субҳ асфар хазонига мунтаҳи.

Маснавия: Не бахорида шод бўл чандон, Айлабон ўзни гул киби хандон,

Не хазонида барг айшини соч, Юз уза заъфарон дуконин оч.

Аммо чун маржеъ сўнгғи қисм ва миод сўнроғи шиқ бўлди. Хар ойинаким, пояда ани воло ва рутбада ани аъло деса бўлғай, бас сабаб бу бўла олғайким ва боис муни деса бўлғайким, чун фалак тожири таманно манзили мазраидин куёш юсуфин биғ мизони каффасиға киюрди ва анинг саодат кундузи кофурий жисми кечанинг баҳоға келтурган савдойи мушки билан вазнда тенг чиқти. Чаманнинг рухсори Юсуф ишқида Зулайхо узоридек коҳий ва хазон ели ҳам анинг дамодам совуғ оҳи киби номутаноҳий бўлди. Қаро йиғочнинг сариғ баргларин ел учурғони тутундин учкунлар айрилғоннинг мисолин ва қизил толнинг коҳий яфроғларин баъзи жисмида қолғай, шингарф хутути узра заъфарон афшоний қилғондин нишона кўргузди. Муртафеъ шоҳлар шамъ шуъласидек барглар шакли шарҳига бўстон музаккирлари «валақад зуййина с—самау д—дунё бима—собиҳ» каримаси билан мутакаллим ва ул шуълаосо барглар акси шишаи ҳалабийда ойнаи Чиний каби зулол ичра тушгандин чаман қушлари «ка мишкотин фи—з—зужожа» савтиға мутаранним.

Маснавия:

Чу қилди кахрабогун мехри гардун, Йиғочлар барги рангин кахрабогун.

Шажар яфроғи бўлди кахрабодек, Демаким кахрабо, мехри самодек,

Сабо қилғоч сув узра зарфишонлиқ, Сунинг тиғини айлаб зар нишонлиқ.

Учуб барг ўтидин ҳарён шарора, Нечукким, зарварақдин пора—пора. Сариғ яфроғ узаким ўлтуруб зоғ, Бўлуб андоқки сориғ лолада доғ.

Қилиб зарҳал хазон наққоши тартиб, Қилурға боғ авроқини тазҳиб,

Бу шуғли ичра айлаб саҳв таркин, Зар андар зар қилиб барг узра баргин.

Мундоқ фаслки, ҳеч фасл нишотға мундин лойикроқ эмас ва мундок вақтки, ҳеч вақт айшқа мундин мувофикроқ киши нишон бермас. Ҳар ойинаким, ул хуршеди авжи камол олтун жом ичра асфар май била сархуш ва анинг кайфияти ҳароратидин олам аҳлиға зарфишонлиғи ҳазоносо, балки ҳуршедвашдурким, айши мустадоми мудом бўлсун. Ва лекин агар гоҳи умиди бўстони ҳазондин баргрезга қолғанлар ва ҳаёти гулистони ҳирмон баргрезидин ҳазонға учрағонларни журъа била ёд қилса, камоли қуёшидин зарраи кам бўлмағай ва қатра била шод этса, жамоли машъалидин шарорае ўксулмагай.

Байт:

Гулунг ранги асфар нишон бўлмасун, Бахорингға ҳаргиз хазон бўлмасун.

4

Дуоеким, шито қалбида шито қалбидин дилсўзро ва ниёзким, қиш айинда қиш айиндин дилфурўзроқ бўлғай.

Байт:

Анинг ҳар ахгари ёқути аҳмар, Мунинг ҳар зарраси рахшанда ахтар.

Адосидин сўнгра арз улким, ҳеч вақти мувофақатлик аҳбоб бир—бири висолидин баҳра олурға ва ҳеч замони мусодақатлиқ асҳоб бода базми тарҳин солурға андин яҳшироқ йўқтурким, марғуб ёронлар машҳуд бўлғайлар ва ағёр юзига ҳужра эшиклари масдуд.

Байт:

Тузалгай ёр ила базми висоли, Вале ағёрдин ул базм холи.

Ва бу иқбол ҳеч қачон андоқ муяссар бўлмас ва бу мақсуд ҳаргиз андоқ дилпазир кўрунмаским, қиш бўлғай. Хусусанким, бурудат шиддатидин ҳавос идроқдин нокор ва кеча бўлғай. Батахсис, булут мушкфом ҳавоға қорнинг суда сиймидин кофурбор ва дай шоҳи шабихунидин ўт зардуштининг ҳайли манқал қўрғонида ҳисорий ва баҳман чериги чопқунидин шарора маздакининг сипоҳи тош бирла темур қалъасида мутаворий; фалак гунбазида анжум анжумани тун қаро кийши ичра ниҳон ва рўзгор олачуғида қуёш турки саҳобнинг ҳокистарий синжобида пинҳон, сипеҳр ҳиргоҳидек оқ уйда анжуман аҳли мужтамеъ, нечунким, сипеҳр ҳиргоҳида сурайё соқийларға гоҳи муоширлар май тақозоси учун бу байт билан мутакаллимким.

Байт:

Соқиё, дай шиддатидан ақлу ҳис бетоб эрур, Чораси жоми булурин ичра лаъли ноб эрур.

Ва аёкчиларға гохи муғаннийлар бода илтимоси учун бу назм била мутараннимким.

Байт:

Қасд этар эл жониға ҳардам совуғлуқ бирла дай, Соқиё, синмас ҳаво заҳри, кетур таръёку май.

Нор ахгарларининг ламаоти нечукким лаъли коний ва анор доналарининг боғлонғони нечукким ёқути руммоний.

Маснавий:

Хушо, базм аро ўту май бўлса дай, Май андокки ўту ўт андокки май.

Анинг манқали шийра тазъйин келиб, Мунинг шийраси манқал ойин келиб.

Юзинда мунинг май бати лаъли ноб, Анинг устида бўрдағон бат кабоб.

Мунинг ламъаси кўзни равшан қилиб, Анинг шуъласи уйни гулшан қилиб.

Вале, базм юз бошлиқ оқ уй аро, Оқ уй тоши тун мушки бирла қаро.

Хамул мушк уза абр кофурбез, Жахон узра якдаст кофуррез.

Алқисса, тафриқа имкони ончаким мақдури бор нобуд ва жамъият мақдури ончаким имкони бор мавжуд ва ҳол улким:

Хар неким такдир бўлса сарбасар топмиш вужуд, Бовужуди мунча юз минг сен агар йўксен не суд.

Мехр ваъдаси хамоно мехри гиёхдек итти, ёхуд тун яримида мехрдек ер тубига кетти. Ул лаъли оташин хижронида не лаългун ахгарда харорату не оташнок майда кайфият ва ул мехросо жабин хирмонида не шамъ шуъласи ёрук ва не кўз шамъи айни йиғидин очук, хар соя харакатидин бағирда тоб ва ҳар аёқ унидин кўнгулда изтироб. Чун муҳлик интизордин жон оғизға етти ва шикеболиғ ихтиёри иликдин беихтиёрона кетти, бу паришон алфоз маркум бўлди ва ошуфта калимот тахрирға келди. Агар шабранг сарсар хиромға рокиб бўлуб, рўзгори шабранг ва оҳи сарсар монандлар суҳбатиға роғиб бўлулса, тун яримида қуёш тулуъ қилғондек ва қиш ўртасида гул очилғондек бўлғай.

Рубоия:

То қишда совуғ табъға матлуб ўлғай, То айш совуғ вақтда марғуб ўлғай, То бу бори тийра тунда махбуб ўлғай, Мажмуи сенинг холинга мансуб ўлғай.

5

Ул саодат буржининг қуёши бир ой камонхонада варзиш қилғондин сўнгра ўчку ови азиматиға тоғ сори юзлангандек фалак турки, яъни хуршед қавс чиллахона гўшасидин жадй кулласи авжиға тахвил қилиб, ул бирида бурунғи кеча эриша олмай, фироқ зиндонида махбус қолғанларға қиёмат кунининг тунича кўрунгандек, бу бирида дағи аввалғи оқшом хўблар шоми зулфи ялдосидек узун кўрунуб, анда ушшоқ охи дуди оламни тийра қилиб, ҳамул ел бурудатидин ашки ёмғурлари жола боғланғондек мунда ҳам мушкфом булут саводидин олам зулматкирдор ва сарсар шиддатидин ул мушк кофурбор бўлубтур. Бу бурудатни оташкада ўти дафъ қилмас, магар майкада бодаси ва бу зулматни қуёш ламъаси ёрута олмас, магар ул юз жилваси. Арз улким, аввалғиси димоғларни қизитибдур, агар иккинчиси ҳам кўзларни ёрутса, ғоят лутф бўлғусидур.

Гар май ўтидин қолмади базм ичра совуғлуқ, Келсанг кетирур тийралиғин дағи ёруғлуқ.

6

Талаб дарёсидин мақсуд гавҳарин биров иликлай олғайким, муроди сафинасининг дебочасин ул сонии жавоҳир ҳамди била мурассаъ қилғайким, ҳар ноумидлиғ барри аро анинг ҳаёйи эҳсони юз кўргузса баҳри нажот етгай ва мурод тенгизидин матлуб кемасини биров соҳилға еткургайким, мақсуд жунгининг фиҳристин ул қодири завоҳир шукри била муламмаъ этгайким, ҳар дард соғарида анинг бодаи шавқининг дурди томса дарёйи ҳаёт қилғай.

М а с н а в и й: Анга ҳамдким, чархи дарё навол Топар андин анжум лаоли мисол.

Бу дарёда кишти янги ой ўлуб, Ки заврак киби бахр паймой ўлуб,

Бу завраққа гулмех, этиб кавкабин, Қилиб бодбон субх чодиршабин,

Тенгрининг ҳамди чунки топти насақ, Наът дарёсиға сурай заврақ.

Улки чун бахр қурбати тошти, Чарх тўқуз тенгизидин ошти.

Дуррат ут—тож ўлуб сифоти анинг, Бахр ул—аброр наъти зоти анинг.

Эски наълайндек вале нимаси, Нух тўфони дафъиға кемаси.

Кўнгул бахридин махфий дурларни олий мажлисқа бу навъ нисор қилилурким, бу сафарким бу нотавони бечора ва бу бехонумони овора илайига тушубтур, биёбони суубатин, бал вусъатинким, хаёл тойири йиллар қанот уруб, анинг поёниға етмак хаёлдурур ва тоғининг шиддатин, бал рифъатинким назар пайки қарнлар қадам солиб, анинг авжиға етмак маҳол, бурунқи руқъада шарҳ қилилиб эрди.

Харнеки варақда эрди марқум, Бўлмиш бўлғай ўқурда маълум.

Ул дашт ва тоғни ҳидоят дастёрлиғи ва иноят поймардлиғи била дасту пой уруб қатъ қилғоч, дарёе илайга келдиким — умқи таманно лужжаси била тенг ва сатҳи таҳайюл баҳридин кенгким, андин чора убур эрди ва кемага кирмак зарур. Руҳсиз бадан гўрда ором тутқондек ва нурсиз мардум кўзда мақом қилғондек, ул мардуми йўқ кўзлар масаллик тийра уйларга кирилди ва бу мунҳасиф ҳилоллар сайрининг суръати била бир ойға дегинча ул мартабада эрдиким, ҳарбир кун минг йилчилиқ йўл бор эмиш дейилса, мингдин бирини дейилмамиш бўлғай ва ул фалакваш баҳрнинг вусъатининг юзи ул ғоятқача эрдиким, сипеҳр лужжасиға ташбиҳ қилилса, дарёсидин қатрае айтилмамиш бўлғай. Баҳрий жонвардин ажойиб сувар ғоятсиз ва дарёий суратдин ғаройиб пайкар ниҳоятсиз.

Маснавий: Аён сув ичра ҳар ён юз ғаройиб, Бўлуб минг зоҳир ул юз бўлса ғойиб.

Неча кўз тушса кўк сув чарх монанд, Топиб атрофи кўк зайлиға пайванд,

Хиромон ҳар тараф юз турфа моҳим, Хирад моҳиятин билмай камоҳи,

Анингдек сахмноку уйла хойил, Ки айлаб кўргучи хушини зойил,

Равон юз тоғу бирга бўлмай ором, Вале тоғеки, бўлғай моҳи андом,

Негаким орқаси тоғ авжи янглиғ, Танида нақш дарё мавжи янглиғ,

Кашафлар ҳар бирининг саҳми беҳад, Ясаб сув узра жисми бирла гунбад,

Бўлуб меъмори кудрат анда боний, Сувдин қилмай хароб андоқ бинони,

Балиғ сайд айлабон ҳарён наҳанги,

Нечукким, ранг сайд этгай паланги,

Тани бир пуштаким бўлса хоро, Темурдин тишу чангал ошкоро.

Кўрунуб жонвар бахр ичра бехад, Нечукким дашт ичинда хар нечук дад,

Тамаввуж бахр узаким тутмай ором, Алар устига субх илги ёниб дом.

Ва гохи сарсар тахрикидин дарё талотуми била «Ва изал бихару фужжират» ¹² саводиға роқим ва гохи кўлак ташвиридин амвож таокиби сув хуруши уни била «ва изал бихару сужжират» ¹³ адосиға мутакаллим. Қар нафас юз офатдин кўнгул сув бўлуб, жондин илик ювуб ва ҳар замон минг хатардин жон оғизға етиб, ўлумға кўнгул қуюлуб, кўзга туфрок қароғи сурмаи сипохонийча кўрунуб, вале ул кўрунмай кўнгулга тош киймати ёкути руммонийча топилиб, вале ул топилмай, бу тавр балиёт аро ҳалокка мушриф эканда ва бу навъ маҳолик аро ўлдум деганда дарёдин обхўриш узулди ва бу фирокда ҳабиб висоли насиб бўлди, юз ерга кўюб ва кўз туфрокка суртуб, шукр бажо кетурулди ва шавқ юзидин боштин қадам қилиб, каъбаи мақсад азмиға қадам урулди. Умид улким, андокки висол водиси тай бўлди, ҳижрон баводиси ҳам қатъ бўлғай ва лекин тавақкуъ аҳбоби жонийдин улким, дуо ели била гоҳи бу ниҳоятсиз даштдинким, наъл бараҳна қадам урубмен, балиёт хасу хорин супургайлар ва илтимос асҳоби жовидонийдин улким, гоҳи ниёз ашки била бу шории йўқ биёбондинким, киловузсиз кирибмен, офот гарду ғубориға сув урғайлар.

Рубоия:

Ёнсам яна ғурбатни ҳавас қилмағамен, Ҳижрон ўтиға танимни хас қилмағамен, Жуз жоми висол мултамас қилмағамен, Ҳақ ҳазратида шукрни бас қилмағамен.

7

Фано бешаси сахатида висол шажарасидин самара топғонлар бошиға фалакнинг мухолиф ҳаракатидин ҳар жафо арраси келса зикриёкирдор тиллари жуз холиқи бечун ҳамдига зокир бўлмоғусидурур ва вафо шажараси соясида мурод самарасидин натижа кўргонлар оёғига чархнинг мутаоқиб зурубидин ҳар ситам тешаси тегса мансурвор нутқларини ғайри сонеъ кун фаякун шукрига такаллум қилмоғусидур.

Нахлеки ризо сохилидур беша анга Руст англа фано туфроғига реша анга, Хар лахза оёққа тегса юз теша анга, Бошдин чу кечибдурур не андеша анга.

Ким айтса фано бешасида буди анинг, Хар шохка илурмок эмас суди анинг, Истарки етушгай улча максуди анинг, Маъдум керак хар неки мавжуди анинг Ва алҳақ бу шева бир сарвдек озодаваш дабидурурким, сипеҳри тездав жафоси ҳароратидин, истима иштиоли чинордек жисмиға ўт солса жуз ҳақ ризоси нақдин истарга овучин очмоғой ва бу тариқа бир санобардек нолакаш расмидурурким, чарҳи сабукрав ҳаракати бурудатидин сапедордек аъзосиға раъша еткурса сабот туфроғидин қадам олмағай ва сабр ҳавосидин бош чекмағой. Биҳамдиллаҳ вал миннатиқа то сипеҳри даввор ҳаводиси саргардонлиғидин рўзгори нопойдор навойиби бесомонлиғидин Мозондарон чангалига қадам кўюлубтурким, ашжори касратидин сабоға ҳарими тавфидин маҳрумлуқ ишдур ва шоҳсори рифъатидин самоға ҳар лаҳза юз минг сарзаниш. Яфроғи ғулуси ҳижоблиғидин туфроғиға ҳаргиз меҳри зарфишон анворидин бир дирам тушмаган ва муртафиъ шажари беҳисоблиғидин саҳатиға мутлақ саҳоби гуҳарафшон жавоҳиридин бир жола етушмаган. Арш соқиға чирмашиб чиққан ишқпечондин бир дона суҳо ва сидраҳ шоҳиға тўлғониб бош чеккан токидин бир хўша. Сурайё гоятсиз ашжориғаким ер била кўкка иттисол берур «аслуҳо собитун ва фаръуҳо фис само» содиқ ва ниҳоятсиз туюриғаким, ердин учқонда фалак юзин ёпар «диҳи тамуру мур ас—саҳоб» мутобиқ.

Не беша эмиш бўстону боғи, Анинг не учи пайдо не қироғи,

Ёғочи устида кўк сабзалар фош, Вале кўк сабзасидин ўткариб бош.

Кухан ашжор хар ён бокса юз минг, Ўтуб боши фалакдин хар бирининг,

Этиб ҳайкаллари пайдо маҳобат, Қилиб пайкарлари зоҳир ғаробат.

Паёпай девлоғ анинг жаболи, Саросар девбод анинг шамоли,

Бўлуб ҳар барг бир миръоти васвос, Тута олмай хирад ўз ҳушини пос.

Қилиб ҳар руди суйининг садоси, Аён юз ғулу шайтон можароси.

Шағолининг уни афғон андух, Чекиб кирган кишининг сўгига дух.

Хар эски ёғочини қўнғорурға фалак пили субх хартуми била ажз зохир қилиб ва агар кўнғорса болорин тоширға сипехр арабаси ул юк остиға ёнчилиб, эашроти махбатидин рўзгори буқаламун арқами бир пайса таноб ва сабоъи салобатидин чархи дун асадиға паргиздин ясаған шерча хисоб. Вухуши хайлининг оёғи кўпидин ер аъзосида юз минг жарохат ва туюри жўшининг фиғон ва нафиридин фалак димоғи пардасида юз туман қарохат. Кундузи офтоб ўтидин куйган хирман шакли анда мехри рахшон ва кеча талбис шуъласидин ёруған кирми шабистон шамъи анда анжуми дурахшон. Ёғочининг самари бордил ва самарининг таъми захри қотил. Бовужуди бу ғариб ҳолот ва турфа мақолот чун анда бўлмоғлиқ рўзгорим носиясида қазо

қаламидин тахрир топмиш ва носиям сафҳасида қадар хомасидин шашпазир бўлмиш ҳар тикандин бир гулча осойиш етар ва ҳар тошдин бир дурча оройиш фаҳм бўлур. Муҳлик ҳавоси Масиҳо дами ва қотил суйи Xизр чашмасининг нами. Ва дўзахваш фазосида сели балодек рудҳона «жаннотин тажри таҳтиҳал анҳору» дин нишона, бадтаъм мевалари била номақбул ашжори «ва фавокиҳатун ва наҳлун ва руммон»дин намудор.

Ўзлигин ошиқ агар дўст ҳавосиға берур, Ёрдин ҳар не келур руҳиға осойиш эрур.

Ва агар ватан ҳажри айёмиға муқтазий бўлуб, бу фироқ бешасидин висол даштиға юз кўюлса ва бу фурқат чангалидин қурбат сахросиға қадам урулса ҳам чун қазо ҳодийси инонкаш бўлғусидур, барқвор секирмакдин ўзга, абркирдор елмакдин ўзга чора бўлмоғусидурур ва давоси топилмағусидурким, ҳақ субҳонаҳу ва таоло барча йироғлиқ муғайлонлари аро саргардонларни яқинлик Каъбаси тавофиға мушарраф қилғай, омин!

8

Хамду сано ул сониъағаким олам бўстонида салтанат гулбунининг сарсабзлиғин адл жўйборидин қилди, то бу сувдин сероб бўлуб, ул гулбинда сабот ва давом гуллари очилди. Ва давлат биносиға завол еткурур офат ёғинларин зулм саҳобида ниҳон этти, то ул ёғин селларидин бу бино асосиға бузуғлуқ етти. Ҳакимеки, ҳар ҳокимни ҳукумат таҳтида пойдор истади, кўнглига ўз ҳукмлари инкиёдин марғуб кўргузди ва ҳар фармонравонинг асоси давлатин бемадор тилади хотири чаманидин саййид ал—мурсалин шаръининг мутобаати гулларин узди. Одилеким, ҳар некаҳдлиғ шажарасиға мурод самарасин берди, то ул шажарни эккан киши бу самарни терди. Сабуреким, мақсуд гавҳарин тааммул дарё иға солди, то ҳар ким ул дарёға ғавс қилди, бир гуҳарни олди.

Таоллаху зихи хар покдин пок, Ки, не шах, не гадодин бор анга бок, Гадони шох этардин йўк харосон, Анга шохни гадо килмок хам осон.

Ва хува йўхйиллази лаямуту абада ва шаънихи такаддаса ва таала 20 .

Хақ субҳонаҳу ва таоло ул дониш ҳадиқасанинг нурин ҳаводис ҳазони ели ҳатаридин ва ул бийниш ҳадиқаси нурин навойиб чашми заҳми зараридин ўз паноҳида асрасун. Муборак ҳотирға борча они ўткарсунки, чун вужудқа келтургай, дунёси ва уқбосиға суд етсун ва ариғ кўнглини барча ул сори тутсунки, ул ишдин мусулмонлар рози ва тенгри таоло ҳушнуд бўлсун, омин, ё раббил оламин.

9

Бу учурда чархи нилун қазосидин ва сипехри дун иқтизосидин андак ғуборе ва жузвий изтирореким, ул ҳазратнинг рўзафзун давлати ва ҳумоюн зотиға мутаввашшиҳ бўлди қиёматеки, ул сабабдин бу нотавон ҳолиға ва рустохезеки, ул жиҳатдин бу паришон аҳволиға юзланди: шаммае андин қайси хома таҳрирға кела олғай, заррае андин қайси тил таҳрир қила олғай. Аммо ҳақ таоло сиҳҳат била ул офотдин ва саломат била ул балиётдин ҳалос қилғон ҳабари таҳқиқ бўлғоч, ул машаққат ва меҳнатларға талофи ва тадорук бўлди.

Бу вокеъ бўлғон ишларда агарчи давлатхох мушфик кулларға махал ул бор эрдиким, бирор

таъномез ва киноятангиз сўз ғоят жонлари куйгандин ва кўнгуллари таҳаммул қилмоғондин арз қилғайлар. Аммо муқаррардурким, бу вақоеъдин ул ҳазратнинг муборак хотириға ончаким керак танбих ва эътибор ва тажрибаи рўзгор ҳосил бўлмиш бўлғай, ҳоло илтимос улким, чун инсон нисёндин холи эрмас ва башарият муқтазоси тағофул ва тақсирдин ўзга натижа бермас — ўз атворингиз теграсига яхши эврулгайсиз, тенгри таоло ҳазратида борча ўтган ишлардин ўзингизни муқассир билгайсиз, қила олғонча тенгри таоло буйруғи била, саййидал—мурсалин шаръининг мухолифи ишларидин куллий ижтиноб қилиб, мувофиқ умурни жид била иртикоб қилғайсиз. Давлату мулк қалин сипоҳ ҳимоятидин йўқки, тенгри таоло иноятидин ва мусташор тадбирдин йўқки, кирдигор тақдиридин эркани билиб, ўзунгизни тенгри таолонинг фазлу—карами ҳимоятиға қочурғайсиз. Ва «Ман кона лиллаҳи кона—л—лоҳу лаҳу» маҳбуби ҳақиқий била мусоҳабат лофин урғайсиз, ҳар неки ўтти азал қисматидин эрканин билиб, ортуқси ғусса тутмағайсиз. Аммо ҳар неки келур, азал қисматиға ҳавола қилиб, ўзунгизни амр бўлғон ишдин маъзур тутмағайсиз.

Салотинға сиздан кўпрак шикаст тушганда тенгри таоло панохига сиғиниб, куллий нажотлариға мулоҳаза қилиб кўнгул солмағайсиз. Салтанат умурида иш ҳайратға мунжар бўлуб, борча тааммул рахналарин боғлиғ кўруб, таваккул шоҳроҳиға кирарни тақсир қилиб, бокиб колмағайсиз.

10

Хар саҳар то қуёш чобуксувори Хўтан сипоҳининг муҳофазати учун субҳ жўйборидин хандақ қилиб, зулмат черигин шоҳининг гулчеҳралар сунбул зулфидек паришон хайлин торумор қилиб, фалак ҳисорин фатҳ қилғай, ул саҳарҳандлик, қуёшройлиқ, чобуксуворлар шоҳи учун тенгри таоло ўз жўйбори ҳифзидин хандақ қилиб, муҳолиф черигининг зулмин мунҳазим этсун ва ҳазмда эҳтиёт ҳандақи жўйборидин сабо ҳайлидек ўткариб, ҳоксор адувнинг туфроғин кўкка совуруб, кишвару мулк ҳисорининг фатҳин насиб қилсун.

Маснавий:

Ўн икки буржлуқ гардун ҳисори, Ҳаводис тошидин то бўлса ори,

Сипохинг кўк сипохи узра хоким, Дисори Шодмондин кам десун ким,

Мусаллам зотинга кишварситонлиғ, Хисори давлат узра шодмонлиғ.

Арзадошт улким, бу ҳақирни баъзи маслаҳатлар учунким, ул ҳазратнинг маслаҳати дағи анинг зимнидадур, агарчи билҳақиқа икаласи бир маслаҳат ўқдур, Хуросон вилоятига юборилди. Умидим тенгри таоло карамидин улдурким, ул ҳазратнинг ҳумоюн замири кўзгусида дойим беҳбуд чеҳраси жилванамой бўлғай ва муборак хотири ўтрусида борча мақсуд шоҳиди чеҳракушой. Аммо илтимос ҳам қилинурким, гоҳи ул паришон абётғаким, густоҳлиқ юзидин тобуққа топшурулубдур қойил ҳақоратиға боқмай, мулоҳаза қилғайлар.

Маснавий:

Неча ганж ичра бўлса гавҳару дур, Кўрки, бордур анинг калиди темур, Ганжи мақсуд кимга бўлса умид, Ул насихатлар эрур анға калид,

Куфл очарда гадову сохиб тож Тенг бўлурлар калидга мухтож.

Яна улким, талаб бўстонида мақсуд гуллари кечрак очилғондин кўнгул ғунчасин хорхори маломат била реш қилмоқ муносиб эмас. Нединким, то такдир чаманидин иноят насими эсиб, меҳнат хазонин ишрат баҳориға мубаддал қилмағунча мақсуд гули очилмоғининг имкони йўқдур. Мундоқ бўлғондин сўнг таъжил суд қилмас ва малолатдин ғайри маломат иш очилмас.

Маснавий:

Агар юз қатла булбул чексун афғон. Бахор ўлмай гул очилмоқ на имкон,

Агар оламни тутсун шоми дайжур, Тонг отмай кун чиқормоқ кимга мақдур?

Бу бобда ул ҳазратнинг муборак табълариға куллий эътимод бор, аммо бу сўзлар мазкур бўлмоғининг нуқсони йўқ. Бу заифнинг ҳаёлида улдурким, ўз дуо ва ниёзим ами-ободин ул ҳазрат теграсига ҳисор қилибмен. Аммо зулм тоши ул ҳисор томиға рахна қилмоқдин ва номашруъ умур нақби била бораси йиқилмоқдин тенгри таоло иноятиға сиғиниб, ўзингиз уҳда бўлғайсиз.

Илтимос улким, қачон юқори элчи юборилса, маъхуд тарийқи била бирор иноят руқъаси юборилса муқаррардурким, ёронлар ани бу хоксорға еткурур саъйин қилурлар. Эшикда андин келур элчилар иши бор эса ҳар навъ ишким, бу фақир анга муртакиб эрдим арз қилиб, ёри азиз фалонға муқаррар бўлди.

Маснавий: Дуо бирла оғоз қилдим калом, Керакким, дуо бирла қилсам тамом,

Ало токи ҳар шаҳки ком истагай, Жаҳон мулки тахтин мақом истагай,

Машаққат эса ибтидоси анинг, Мурод ўлғуси интихоси анинг.

Муродинг биносиға етмай халал, Машаққатларинг айш бирла бадал,

Не комеки кўнгулунга ўлса хавас, Фалак берсун ул коминга дастрас,

11

Не қилса қазо килки азалда тахрир, Мумкин йўқ анга абадқа тегру тағйир, Ақл айласа ҳар амрда юз минг тадбир, Суди йўқ агар мувофиқ эрмас тақдир.

Сунъ машшотаси мақосид гулчехраларининг жамолин ғайб пардасига андоқ ёшурмайдурким, ақл хурдабини кузи андин бахра топа олғай ва қадар ғаввоси матолиб бихорлари гухарларин хафо дуржида андоқ беркитмайдурким, хирад жавҳаршиноси басорати андин нишона айта билгай. Ҳар ойинаким анбиёйи мурсал аввал орзу саволни қилғонда «Ва мо тадри нафсун мозо таксибу ғадан» за жавоби била ноумид булурлар ва авлиёи акмал «ғурфатуллоҳи бифасҳ ал—ғароим» за нуктаси била такаллум қилурлар.

Анга ҳамдким илми лорайб эрур, Ҳамул илм ила олимул—ғайб эрур.

Жалла субҳонаҳу ва азим уш—шонаҳу. Бас, бу тақдир била ҳеч кишига ҳеч ишда вуқуф эшиги очилмайдур, то иҳтиёрга не етгай ва шуур йўли топилмайдур то иқтидорға не етишгай. Қазо амри юки оғирлиғидин фалак қади нигундур ва қадар панжаси зўридин фалак мартабалари зори—забун.

Андаки фалак туроб бўлғай, Туфроққа не хисоб бўлғай.

Fараз бу калимотдин ва мақсад бу муқаддимотдин улким, бу фақири хоксор ва бу хокиваши беэътиборким, бу давлатлиғ эшик остонасиға туфроғдек тушуб эрдим, хаёлимда бу эрдиким, магар ажал сарсари туфроғимни бўсоғадин совурғай ва ўлум сайли хошокимни бу эшикдин сургай ва лекин хаёл ботил экандур ва муддао отил.

Бу учурда юқоридин бу факир хизматиға ракаме тортилди ва убудиятиға қаламе сурулдиким, жавоби тасдиқдин ва хитоби сидкдин ўзга билилмади «ва их—жуму яфъаллуллоху маяшаъ мо юриду». ²⁵ Хосил: шаввол ойининг йигирми олтисида душанба куни ижозат бўлуб, Марвдин Астрободға азимат иттифоки тушди. Эмди агарчи сизга хеч ишда насихатға эхтиёж билмасмиз ва лекин бир—икки сўз айтурдин ҳам чорамиз йўкдур. Оламда ҳаргиз дўстлук киши душмансиз бўлмайдур ва аҳбоблик одами аъдосиз топилмайдур. Ва тавфик нишони улдурким, андок маош қилғайким, дўстлар тили душманлар қошида қисқа бўлмағай ва аҳбоб боши аъдо илайида қуйи тушмагай ва бу иш мунҳасирдур икки ишга: бири ҳақ таоло амриға итоат қилмоқ ва ул бири наҳйидин ижтиноб қилмок. Ва лекин чун башариятнинг зулмати ҳижоблари мақсуд нури юйига монеъдур, жамеъ авомунноси уҳдасидин чиқмоқ мушкулдур.

Аммо бировниким, тенгри таоло бир сурук бандалари устига ҳоким қилди — анга ҳеч амр итоати адлча бўлмас ва ҳеч наҳйдин ижтиноб чоғир таркича бўлмас чунки «инналлоҳа йаъмуру бил адл ва—л—эҳсон»²⁶ ва ҳазрат рисолат саллаллоҳу алайҳи вассалом буюрубтурким, «адлун саатун ҳайрун мин ибодатис—сақалайн»²⁷. Ва чоғирни «уммул—ҳабоис»²⁸ дебдурлар. Жамъи ёмонлиғ андин мутаваллид бўлурким, борча яҳшилиқ ва ёмонлиқ бу икки нима зимнида мундариждур. Ва илтимос улким, агар муяссар бўлур куллий ва агар муяссар бўлмаса, улча мақдурдур, бу икки ишда қўшиш қилғайсиз. Дағи агарчи бу фақир ҳеч ҳисобда эрмасман, аммо эшикда эрконим била йироқ эрконимга бир ҳукм бермангиз ва улча имкон бор Мирзонинг ҳукми ижросида саъй қилиб, ул давлат маслаҳатининг дақойиқидин ҳеч дақиқани ҳеч вақтда номаръи қўймангиз. Ва ҳазарот ва маходим била, балки Сойир наввоб ва ҳуддом била ҳизматкорлиғ тарийқин маслук тутунгуз.

Сўз мухтасар, бир рубойи била ихтисор килилур.

Хақ амрию нахйини кетур яхши бажо, Ўткарма қадам шаръи набийдин қатьо. Шах хизматини тузлук ила айлағил адо, То икки жахонда бўлғасен комраво.

12

Ваҳки, ҳажринг ўти жисми нотавоним ўртади, Нотавон жисмимға тушган шуъла жоним ўртади.

Кўпдин—кўп дуо ва саломдин сўнгра арз улким, бу факир Хуросонда эрконимда ҳам сиздин айру эрдим, эмдиким, Астрободдамен фирок ҳайсиятидин иккаласи бирдур, невчунким:

Бировки ёрдин айру эрур: асирий фирок, Арода хох якин тут йўлини, хох йирок.

Аммо мунда келгали баданға фироқ ўтининг тоби ва кўнгулга иштиёқ суубатининг изтироби кўпрак бўладур. Жиҳат бу бўлаолғайким, анда эрканда висол давлати маржувул ҳусулроқ ва мулоқот саодати мумкин ул-вусулроқ эрди эркан. Аммо бу ҳисоб хиради дурбин ваззони била ва ақли дурандиш мизони била рост эрмас.

Маснавий: Яна бир хисоби дағи бордур, Ки ақлу хирад анда нокордур.

Эрур сирридин ақли кулл бехабар, Ким отини дерлар қазоу қадар.

Не иш бўлса бехадду имкон басе, Эрур ул хисоб ичра осон басе.

Умид улким, ҳақ субҳонаҳу ва таоло кўнгулга кирмаган восита била ва хотирға кечмаган васила била мулоқот ҳузури ва мувосалат сурури насиб қилғай.

Юборган руқъада битиб эрдингизким, анда борғали киши юбормадингиз деб, анинг жиҳати ул бўлдиким, юборган кишимиз ҳануз келмайдур эрди ва битилган руқъаға жавоб келтурмайдур эрди.

Яна илтимос улким, мизожингиз риоятин яхши қилингизким, сиҳҳат неъматиға бадал бўлмас ва ишингиз эҳтиётин яхшироқ қилингизким, нохуш иш воқеъ бўлса, пушаймонлиғдин суд йўқтур. Ҳеч вақт кўнгулни тенгри таоло ёдидин ғофил ва мусулмонлар додидин отил қилманг. Дўстлар фикридину душманлар макридин бепарволиғ жойиз эрмас ва бу иш надоматидин ўзга натижа бермас. Подшоҳ давлати маслаҳатин борча ишда муҳаддам тутмоқ вожибдур. Тенгри амрини андин ҳам ақдам кўрмак фарз.

Сизга бу сўзларни айтмак эхтиёж эрмас, аммо айтмакдии нуксони хам йўк жихатидин мунча сўзга мусаддеъ бўлулди.

Улким фирок мулкида қилмиш мени ғариб, Хам ул висол давлатини айлагай насиб. Ул нишонким, келди шахдин танда жон бўлди, манга, Ўлмиш эрдиким, тирикликдин нишон бўлди манга.

Қуллуқ арзадошт улким, сафар ойининг ғуррасида шанба сабоҳи Нишопурдин бир манзил Сабзавор сари Абдушужоъ Ансорий мазори бошида юқоридин келган пиёдарав муборак нишонниким, бу банданинг мужиби сарафрозлиғи эрди—еткурди.

Байт: Ўпубер, бармоғим қошузра қўйдум, Ани худ ўптуму бошузра қўйдум.

Байт:

Жонда қўйдум чирмағон мактубини ҳижрон аро, Билмон ул мактуб эрур ёхуд «алиф» дур жон аро.

Мундағи ҳолатни нишон келган куннинг бурунқи куни арздошт қилиб, Мавлоно Ғиёсиддин Жалолийдин²⁹ юборилиб эрди, етган бўлса, арзға еткурмиш бўлғай, деб қуллуқ арзадошти якшанба куни битилди.

Байт:

Оразинг нақшин кўнгул лавхида тасвир этгамен, Бўлмаса такдир ани кўрмак не тадбир этгамен.

14

Рубоия:

Номангки, манга муждаи жоний эрди, Хижрон ғамидин хатти амоний эрди, Зулматқа саводи гар нишоний эрди, Мазмун анга оби зиндагоний эрди.

Қуллуқ дуодин сўнгра арздошт улким, шанба сабохи сафар ойининг бошида иноятномаеким, бу хоксорға мужиби тафохур эрди — етишти. Иноят юзидин шафқатангиз сўзларким, битилиб эрди — ўкулди. Не ҳад била, балки не тил била анинг жавобин битиса бўлғай.

Маснавий: Неча солса куёш туфрог уза нур,

Демак узрини туфроғдин не макдур,

Қуёшдек чархдин ўтсун камолинг, Фалакдин бўлмасун, ё раб, заволинг.

15

Рубоия:

То олам уза фалакка даврон бўлғай, Афлок уза то нужум рахшон бўлғай, Анжумға саботу сайр имкон бўлғай, Бу барча санга мутеи фармон бўлғай.

Мухлисона дуодин сўнгра қуллуқ арзадошт улким, аввали жулусдаким, ул хуршеди авжи салтанат олам аҳли кўзин ўз партави била баҳраманд қилди ва ул жамшед сарир хилофат таҳти салтанат авжин ўз пойбўси била сарбаланд этти, бу фақири ҳақирға бир нишони олий шон юборилиб эрди ва бу бандаи афкандани бир мисоли вожибул — имтисол била туфроғдин кўтарилиб эрди. Мазмуни буким: «Паришон абъётингни жамъ қилиб, Мавлоно Султонали Машҳадийға вздуруб, ҳазратимизға юборгил».

Ул китобат шукрига нотика тили «Алҳамду лиллаҳил—лазий анзала аъла абдиҳил - китаба» адосиға мутакаллим ва анинг мазмуни жавобида «Ал абду ва мофаадиҳи кана лилмавлоҳу» савтиға мутараннум бўлди. Ва лекин чун ул хизматгорлиғ сурати кечроқ зоҳир бўлди ва ул фармонбардорлиғ зуҳури ботроқ сурат боғламади — анинг сабабин адо қилғали ва боисин арзға еткургали ёри азиз Мавлоно Мир Ҳусайн Бовардийниким, зо юзи ул даргоҳ туфроғидин қуёшқа етиб эрди ва боши ул баргоҳ саждасидин фалакдин ўтуб эрди — илтимос қилилдиким, иқболосо қуллуққа мутаважжиҳ бўлғай ва бу муҳассир қул тақсири узрин қўлғай. Умид улким, узрихоҳ маҳбул кўрунгай ва узр маъқул тушгай.

Рубоия:

То қолғуси боқий бу жаҳони фоний, То бўлғуси инсонға ҳаёт имкони, Тенгри тутсун санга мусаллам они, Лекин қилибон бу ҳайлнинг султони.

То ҳар йил боши қуёш заррин ғазоласи ҳамал ўтлоғида лолазор узра жилва қилур — ул салтанат сипеҳрининг қуёшиға шараф баҳори лолазори узра ғазолалар била анжуман тузулсун. Ва то ҳар гул чоғи сабо машшотаси раёҳин нав—аруслари қулоғиға жола гавҳарлари била зийнат берур — ул ҳилофат бўстонининг сарви навҳези чаман ҳулалида кўргузулсун.

Қуллуқ арздошт улким, иноятномада битилиб эрдиким: «муддатедурким, арзадошт битимайсен». Бу паришон ҳолнинг ошуфта ҳаёлидин не содир бўлаолғайким, ул олий мажлис мулозимлари эшитурга лойиқ бўлғай ва ошуфта ҳаёлнинг қаламий мақолидин не рақам сурат боғлағайким, ул шариф маҳфилнинг мукоринларининг фархунда ройлариға мувофиқ келгай.

Биззарурат ғойибона, дуо била иктифо қилилибтур: Ҳаёт боғи тоза ва ул боғи мурод раёхини беандоза бўлсун.

Рубоия:

То дашт баҳор фасли рангин бўлғай, Гулзор нигорхонаи Чин бўлғай, Дашт узра санга салтанат ойин бўлғай Гулзор ичра тахтинга таскин бўлғай.

17

Рубоия:

Эй боди сабо, айласанг ул сори гузор, Жон бирла кўкгулни топшурай — олғач бор, Кўнглумни итига тўъма қилғил зинҳор, Жонимни дағи аёғиға айла нисор

То фалаки мудаввар қалқониға хуршеди анвар мухрасидин қубба бўлғай ва қавси кузах сафинасиға сахоби сипехр пайкар сафинасидин бодбон қурулғай. Ул муламмаъ қалқон хумоюн чатрингға яшил мушаммаъ бўлсун ва бу мулавван туслуқ ёйдек хилолий жоминг нужум жавохиридин мурассаъ.

Арз улким, мундағи ҳолот шоҳиди жамолиға хайр машшотаси илгидин оройиш ва умур зебоси узориға амният кузгуси рухсорида намойишдур, ва лекин:

Боғни нетсун киши сарви хиромон бўлмаса, Кўк равоки тийрадур, хуршеди рахшон бўлмаса.

Рубоия:

Васлинг бўлубон жонға муяссар, ё раб, Чехранг қилибон кўзни мунаввар, ё раб, Нуткунг сочсун базм аро гавхар, ё раб, Ё рабки, ижобат айлагил ҳар ё раб.

18

Р у б о и я: Ёшунғон эмиш қаро булутқа моҳим, Гардунни совурмоғлиғ эрур дилхоҳим, Кирмиш қаро туфроққа қуёшдек шоҳим,

Невчун қаро қилмасун фалакни охим.

Жигарсўз ҳодисаким, истимои кўзга мужиби хунборлиқ ва ғамандўз воқиаким, иттилои жонға боиси афгорлиғ эрди — етишти. Кўз ашк тўфонидин баҳор ёмғуридек сели андуҳ оқизиб, жон ғусса фиғонидин найсон булутидек ўкурмак оғоз қилди.

Ўртанур эл фуркатингдин нола бунёд айласам, Қўзғалур олам ўкурмак бирла фарёд айласам.

Аммо «Кулли нафсун зойиқат ул—мавти» 34 шарбатидин ҳеч мутанаффас маоф ва «кулли ман ал-айҳа фана» 35 хилъатидин ҳеч кимарса ҳалос эрмас. Сабрдин ўзга чора ва таҳаммулдин ўзга тадбир топилмас.

Рубоия:

Гул борди эса, чаман муаттар бўлсун, Шамъ ўчти эса, куёш мунаввар бўлсун, Шахзодаға гар равза муяссар бўлди, Султонға жахон мулки мусаххар бўлсун. Омин.

19

Булбулеким, гул хори ҳижрони ғунчадек кўнглин фигор қилмиш бўлғай — дастонсаройлиғ била не тараннум кўргузай ва тўтиёким, кўзгу доғи ҳирмони замири кўзгусида ғубор солмиш

бўлғай — ширин каломлиғ била не такаллум тузгай!

Аммо «ал—маъмуру маъзурун» ³⁶ хукми била ўтлук охи дудидин ашкбор кўз суви бирла мураккаб килиб, кўнгул оташангизлиги била кўз ашкрезлиги шархида бир неча паришон байт мураттаб килилди. Умид улким, мутолааси кўнгулга мужиби айшу хузур ва мушохадаси кўзга боисн сафо ва нур бўлғай.

20

Хидоят нуридинким, мурод шамъи демак максуд анинг ламъасидиндир хилватингиз мунаввар бўлиб, партави андин бу тийра рўзгорнинг залолатангиз авкотиға тушсун ва иноят кўзгусидинким, максуд куёши демак мурод анинг ашиъасидиндур, шабистонингиз музайян бўлуб ламъае андин бу хоксорнинг зулматомез миръотиға юз кўргузсун.

Рубоия:

Мақсуд жамоли жилвагустар бўлсун, Нури била офок мунаввар бўлсун, Мундок кишвар сизга мусаххар бўлсун, Сиздан назаре бизга муяссар бўлсун.

Маъмул андокким, кўнглунгуз ҳарамида фатҳ оламидин матлуб шамъи ёкилса, бу тийра рўзгор парвонадек ул маъман гирдига эврулгай ва матлуб ўшондокки, жонингиз эрамида файз шабнамидин нишот гули очилса, бу зори, бекарор булбул киби ул гулшан теграсига чеврулгай, то ул шамъ нуридин кўзи мунаввар бўлиб, бу гул атридин димоғи муаттар бўлғай.

Маснавия:

Этар хорани мехр лаъли музоб, Қилур қатрани бахр дурри хушоб,

Бу иккидин ўксук мени зори дун, Ва лекин сен ул иккидин ҳам фузун,

Қуёш хорани жавҳар этган киби, Тенгиз қатрани гавҳар этган киби,

Ишим химматинг бирла топсун низом, Паём ушбу эрди манга, вассалом.

21

Рубоия:

Бир мўр Сулаймонға³⁷ бўлай деб ҳамроз, Кўп саъй ила йўл қатъини қилди оғоз, Чун тахти Сулаймонға етишти қадами, Ер ўптию қайтти қилиб арзи ниёз.

Куллуқ арздошт улким, Каъба тавофидинким, мурод ул қиблаи иқбол рутбалиғ остондур ва қибла сафаридинким, мақсуд ул каъбаи омол суддалиғ осмондур — хокбўслуғиға эхром боғланиб, яқин етишилди, аммо.

Рубоия:

Хар неча юзунг хаёлин этсам тасвир, Наққоши қазо бориға берди тағйир, Мен васл умидиға кўп эттим тадбир, Тадбир не суд, гар эмастур такдир.

Арзадоштнинг шархи мужиби малолдур ва холнинг баёни боиси калол. Ружуъ рукъа хомилининг адосиға ва хавола нома ноқилининг дуосиға қилилди, вассалом.

22

То фирок мубталосининг талх—талх шўробаси ҳижрон ўтининг лаҳза—лаҳза забона тортариға таскин бергай ва иштиёк гирифторининг нафас-нафас шуълаи шавки кўнгул вайронасиға замон—замон ўт солғай.

Рубоия:

Мизожинга аллме етмасун фироқ била, Замиринг ўлмасун озурда иштиёқ била, Кўзумга тенгри етурсун икки тобонингни, Ҳал айлабон қаро қилмоқ икки қироқ била.

23

Рубоия:

Васлингни тилаб, эй шахи фархунда Кўнглум куши эгнидин чикиб эрди канот, Кўп хукм етиштиким, ёниб келсун бот, Чун бўлди зарурат, айладим азми Хирот.

То фалак жафоси иштиёк шажарасининг самараси хижрон меваси килғай ва то сипехр зулмидин ҳижрон аҳлиға шавқ ва ҳирс гулбунидин ҳирмон гуллари очилғай, фалак ул ҳазратнинг ҳукми чавгониға гўйдек фармонбардор ва сипехр анинг шодурвони азамат ва жалоли даврида тугма кирдор бўлсун.

Куллуқ дуодин сўнгра арзадошт улким, бу банданинг заъфининг куввати ва хўрўшининг хароши ул мартабаға етиб эрдиким, атиббо ташхисида ва хукамо муолажасида бесомон бўлуб эрдилар. «Тасофиру тасихху» за амр ва муждаси била хазрати Имом развасиға дегинча рухсат била келилди, хаёлда остонбўслуғ орзуси бағоят ва кўнгулда сариғ юзни олтун бўсағаға суртмак муддаоси бенихоят эрди. Андокким, анинг кайфиятидин фалонеким, табъининг диккат ва латофати жонбахшликда Масихосо эрур ва назмининг салосат равонлиги Хизр зулоли хосияти берур — сохиб вукуфдур. Чун банда хукм йўсуни била махкумвор ёндим, мушорун илайхниким, аладдавом бу факирни ўз сухбати била масрур тутар эрди — ўз ивазим (агарчи ул беиваз тушубтур) йибордим. Ул доғи бир—икки қатта келсун деб, анинг отиға олий нншон келган жихатдин бу маъкиға толиб эрди. Факир илтимоси била анинг муддаоси мувофик тушган учун қуллуқ эхромин боғлаб, мутаважжих бўлди. Умид улким, ўзи макбул ва арз килур сўзи писандида ва маъкул кўрунгай. Неча китобким, хукм бўлуб эрди, улча муяссар бўлур чоғлиғ эрди, андин юборилди. Қолғонни хам умид улким, бот муяссар бўлғондин сўнгра аларни хам еткурулгусидур.

Чарх давридин фузунроқ тули давронинг сенинг, Олам ахли сар-басар маҳкуми фармонинг сенинг.

24

Р у б о и я: Токим, назаримда шахсуворим йўктур, Хижронида жуз нолау зорим йўктур, Бир ерда куюн киби қарорим йўктур, Саргашталигимда ихтиёрим йўктур.

Куллуқ дуодин сўнгра арздошт улким, бу давлат хох кул густохлик килиб, Шайх Мухаммад мирохурдин³⁹ юборилган арздоштнинг жавобин иноят килибким, Султон Махмуд оғодин⁴⁰ юборилиб эрди, мазмунидин андок маълум бўлдиким, дойимиғи дастур била мустахсан тушубтур. Тенгри таоло умру давлатингиздин бархурдор килғай, дунё ва охират муродот ва макосидини насиб килғай.

Умид улким ҳарнеким бу банда давлатхоҳлиқ юзидин битибмен — мақбул тушубтур, амал қилиб, натижа топмоқ рўзи бўлғай. Яна Муҳаммад Аминбек била Хожа Фахриддин битикчи бобида ҳам нишонларким, битилиб эрди — юқори арз қилиб, барчаға жавоблар борди; наввоб арз қилғондин сўнгра маълум бўлғай, деб қуллуқ арздошт битилди.

25

Куллук дуодин сўнгра арздошт улким, хумоюн битикким, иноят қилиб, фалондин юбориб эрдингиз — етишти ва мазмуни маълум бўлди. Андок ишорат бўлуб эрдиким, ҳазрати хон бобида икки сўзни Мирзо тобуғида арз қилиб, жавобин олиб юборгил. Бир улким, не дастур била аларни киши юбориб сўрдурали. Яна бир улким алар тобуғида мактуб не навъ етмак муносиб бўлғай; буйрук йўсуни била арзға еткурулди.

Сўрук бобида андок хукм килдиларким, инилари била сойир хазарот хонни не навъ дастур била сўрғонларининг наклин келган киши элтсун, барчанинг оғаси ва аршади ул азиз фарзанддур. Ул наклни кўруб анга яраша ярок килиб, сўрдура киши юборсун. Яна битик бобида андок буюрдиларким, агарчи ёшка ул фарзанд андин улуғрокдур, аммо ул султонлиғ мартабасидин мунда келмайдур, хонлиғ маснадидин ходиса вокеъ бўлғон учун мунда тушубтур, бу муддатда бизга мундок азиз мехмон келган эрмас, битикда хон тобуғида деб битиб, мактубни охириғача таъзим била битисун ва орқасида мухр ё исмин битик ўртасида кироғи сори майл кила босиб ё битисун деб, хукм килдилар. Тобуғда маълум бўлсун деб, куллук дуо арз килилди.

26

Қуллуқ дуодин сўнгра арздошт улким, иноят нишонп келди, иноят сўзлари маълум бўлди. Хар ойинаким, андок бўлғусидур, куёшдин заррапарварликдин ўзга иш келмагусидур ва бу куёшдин равшанроктур. «Фирокнома» ким, юборилибтур — тасвир килилсун деб, ани тасвир килаолур киши устод Бехзоддур⁴³ ва бу якинда Устоди мушорун илайхни Мирзо тилаб олдилар: ўз кошларида боғда хужра ясатиб иш буюрадурлар. Яна андок кишики, ул китобатқа муносиб иш қила олғай — йўк эрди. Қар нечук ул бобда хукм келса, анга кўра килилғусидур деб, арзадошт битилди. Куллуқ арзадошт улким, бу қул мулозамат эхромин боғлаб, мутаважжих бўлурда толеъ заъфидин ориза даст бердикм, ул таважжух монии бўлди. Аммо Шайу химнингким ⁴⁴, бу банда била аларнинг орасида хеч жудолиғ йўқтурур — банда эвази мутаважжих бўлдилар, кайфият маълум бўлғусидур, Бандаи мухлиснинг давлатхохлнқ юзидин хотириға келган сўзни ҳам борғон ёронларға айтилибтур — арз қилсалар, умид улким, ул сўзга илтифот бўлғай деб, қуллуқ арзадошт битилди.

28

Зихи нозил макоминг тахти шохи, Тушуб тожинг уза зилли илохий, Хам ўлсун пояи тахтинг фалаксо, Хам ўлсун тожи қадринг арш фарсо.

Куллуқ дуодин сўнгра арздошт улким, Мир Саййид Абу Исҳоқ келиб, иноятнома била сойир инъомотин еткурди. Банданавозлиғ нишонн била бошимни фалакдин ўткардингиз ва сарафрозлиғ маркаби била хоксор танимни туфроғдин кўтардингиз ва иноят либоси била зоҳир айбларимни мастур ва бу иноятлар сипоси била бузулғон ботиним уйи маъмур бўлди. Мунинг муқобаласида дуодин ўзга илгимдин не келгай ва санодин ўзга тилимдин не очилғай. То жаҳон бўлғай ҳимматингиз саманди чарх паймо ва то сипеҳр эврулгай жаҳон аҳлиға инъомингиз ташрифи зийнатафзо бўлсун. Омин, ё раббил оламин.

29

Қуллуқ арзадошт улким, иноятнома мазмунидин хумоюн зот ва фархунда мизожингизнинг саломатлиғи маълум бўлди. Умид улким, ҳақ таолонинг паноҳида бўлуб, муддао мувофики ва орзу мутобики давлат муяссар бўлғай. Бу кул бир неча кун зиёратгоҳда эрдиким, мироҳур келгандурур. Ул жиҳатдин арзадоштни ўткарурда ҳозир эрмас эрдим. Ҳамл мулозамат тақсириға бўлмағай. Жаҳон мулки мусахҳар ва икки жаҳон муроди муяссар бўлғай. Омин, ё раббил оламин.

30

Куллуқ арзадошт улким, йиборган иноят нишонида Самарқанддин қочиб келган киши бобида сўзлар битилиб эрди. Арзадоштда дағи ул сўзлардин мазкур эрди, барчасин шарх била юқори арз қилилур. Чун қочиб келган киши ҳануз кўрунмайдур эрди, ул жиҳатдин ҳануз ул бобда ҳеч навъ ҳукм воқеъ бўлмади. Иншооллоҳ, ул қўрунгандин сўнгра ҳарне ҳукм бўлса, шарҳ била арзадошт қилилғусидур. Давлат бардавом ва сао—дат мустадом бўлсун.

31

Куллуқ арзадошт улким, Мирзонинг муборак мизожлари сиххат топиб, «тахти равон» била зилхижжа ойининг йигирма бешида душанба куни тошқори чиқтилар. Умид улким, Мирзомнинг шариф зотлари дағи хамиша сиххатда бўлуб, давлатлари кундин-кунга ортқай. Иноят қилиб дойимғи дастур била вахйосор руқъалар била сарафроз қилилса, бу фақирнинг мужиби саодати дорайни бўлғусидур. Паришон назмлардин бир жуз тобукта юборилди. Чун

муборак назарлари тушгай — ислох била мушарраф бўлғай.

Давлат мудом ва салтанат молокалом бўлғай.

32

Куллуқ арзадошт улким, ахтачидин иноят қилиб йиборган оғзи мухрлуқ битикни ўқуб, жавоб олғунча, ахтачи ошуқуб кетган эрмиш. Ул битик бобида ҳар сўзким бўлса, бу банда мулозамат иқболиға мушарраф бўлғали қуллуқ эхромин боғлаб, мутаважжийҳдурур. Умид улким, банда етгунча яйлоқларда бўлғайларким, мизожда жузъий ҳарорат бор. Астрободнинг шахриға банданннг борури ҳожат бўлмағай. Чун остонбўслуқ иштиёқи ҳаддин ўтуб эрди — бу васила била ҳаёл қилилдиким, ул олий мақсадқа етгай.

Давлат рўзафзун ва икбол ҳамидун бўлсун. Кўзум учарки, ҳумоюн юзунгни кўрган бот, Биайниҳ анга кирпиклар ўлмиш икки қанот.

33

Куллуқ дуодин сўнгра арзадошт улким, Мирзонинг муборак мизожларида жузвий заъфким бор эрди — сиххатқа мубаддал бўлуб, пархиз ушоттилар. Бу учурда ул вилоятдин дағи жузъиёт учун Мавлоно Худойбердини куллуққа юборилди. Куллуқ изхориға арзадошт битимоқ вожиб эрди. Машхаддин бу банда ўз холин хожа Фалондинким, арзадошт қилиб эрдим, холо мулозимлар химмат ва давлатидин бу банданинг марази хам сиххатқа юз қўюбтур, аммо бирор нима заъфбор. Умид улким, ул дағи, дафъ бўлғай деб қуллуқ арзадошт битилди. Бу матлаъ воқиъ бўлуб эрди, умид улким, ислохқа мушарраф бўлғай:

Рахшингки хиром ичра ўтар кабки даридин, Истармен анинг наълини товус паридин.

34

Куллуқ арзадошт улким, бу банда алассабох эшикка ҳозир бўлганнинг жиҳати ул эрдиким, муборак дийдорингизни кўруб қолғаймен. Хабар бўлғунча саломатлиғ била азимат қилиб эрмишсиз. Отланиб, йўлда қулуққа мушарраф бўлур хаёл қилғоч, ҳукм келдиким: «Ғойиб бўлмасунким, сўз бор». Бу жиҳатдин маҳрум қолилди. Ҳамл тақсирға бўлмаса ғояти карам бўлғай.

Буюрғон ғазаллардин тайёр бўлғонларни юборилди. Қолғонни дағи тугатиб, борур кишидин юборилгай.

Хукм бўлуб эрдиким: «Хаёлингға келган давлатхоҳона сўзунг бўлса айт».

Сўз будурким, ҳаво исиди улча имкони бор, чоғир ичарда риоят вожибдур. Ўзга сўзлар ҳам бўлса, арзадошт бўлғусидур.

35

Куллуқ арзадошт улким, Абдулкаримдин⁴⁷ йиборган нпоятномани бажинс Мирзонинг илгига бердук, хукм бўлдиким, сиз давлат била бориб, Мўғулбек⁴⁸ кўмак йўсунлуқ керак бўлса келганлар, аммо мундоқ сўз кечтиким: «Мўғул андағи ишларга бағоят кўп эҳтимомлар қилур эрди, Баднуззамон Мирзо онча эҳтимом қилғайму?» Арз қилдимким, андин кўпрак эҳтимом

қилғусидурлар. Эмди иноят қилиб, ўзлукунгуз била машғуллуқ қилиб, иш-кучни киши — қаро умидига қуймасангиз яхшироқ булғай. Иноят қилиб, чун битирсизким, менинг иш—кучим санга уҳдадур. Агар андағи ишларда беэҳтимомлиғ воқеа булса, Мирзо тобуғида бу қул уетлиғ булғусидур деб, қуллуқ арзадошт битилди.

Баъзи тарбият қилғон қуллар бобидаким, битилиб эрдиким, тақсирлари жиҳатидин хитоб ва мусодара воқеъ бўлубтур.

Куллардин тақсир ва салотиндин гоҳ афв ва гоҳ хитоб воқеъ бўла келгандур. Аммо подшоҳнинг ўз иш кучидин воқиф бўлуб, сиёсатидин қулларнинг ваҳмининг бир улуқ натижаси будурким, алардин жарима оз воқеъ бўлур. Дағи подшоҳқа ҳам муқобалада итоб қилмоқ лозим келмас. ьу маҳалда ҳар ҳол била бўлса навкар жонибини асрамоқ вожибдур. Аммо аларнинг аҳволидин ҳам воқиф бўлмоқ вожибдурким, беқоида воқеъ бўлмағай ва барча ҳушёрлиққа вобастадур.

Май мехўру хушёр мебош» 49.

36

Куллуқ дуодин сўнгра арзадошт улким, Вакфада зиёрат жихатидин Имом равзасиға келилиб эрдиким, давлатингиз дуоси қилғайким, Илдирим⁵⁰ келди. Яна бир дуо била ўзни соғиндурмоқ вожиб кўрунди.

Хар қаён юзлансангиз фатху зафар ёрингиз бўлсун ва жамии офот ва балиётдин ҳақ таоло нигаҳдорингиз, омин.

Бу матлаъ вокеъ бўлуб эрдиким:

Ишқ даштин ҳеч ғурбаткаш мусофир кўрмасун, Мен ғариб ул дашт аро кўрганни кофир кўрмасун.

Ислохға хокимсиз.

37

Қуллуқ арзадошт улким, иноятномадин сарафрозлиғ даст берди.

Не лутф эдики, мени нома бирла ёд эттинг, Не нома эрдики, махзун кўнгулни шод эттинг.

Давлат бардавом ва саодат мустадом бўлсун.

Кўксумда наъл бўлди хадангинг нишонаси, Кўнглум уйи эрур анинг омочхонаси.

Яқинда бу матлаъ воқеъ бўлубтур, густохлиқ қилилди.

Барча холотдин фарзанди аржуманд Хайдар 51 сохиб вукуфдур, сўрулса арзадошт қилғусидур.

Давлат мустадом бўлсун.

38

Куллуқ арзадошт улким, мундағи ҳолот тенгри таоло инояти била Мирзо давлатидин

кўнгул тилагондектур. Бу учурда Султон Маҳмуд Мирзо⁵² қошидин Маҳмуд барлос⁵³ келиб, пешкаш ва сочиқ келтуруб, куллуқ хизматгорлиғларин изҳор қилди. Яна атроф ва жавонибдин келган хабарлар дағи барчаси давлатқа мувофиқ эрди. Густоҳлиқ юзидин бир неча сўз битиб, қоғаз бошин ёпуштуруб йиборилди. Анга дағи мулоҳаза қилилиб, назарға келтурулса, давлатқа мувофиқ бўлғусидур деб, қуллуқ арзадошт битилди.

39

Сафардин келган эрмиш ул мусофир ою мен махрум, Сабо олдида арз эт, чунки холим айладинг маълум.

Қуллуқ арзадошт улким, сафардин саломатлиқ била қайтиб, масканга тушулган ҳабардин давлатхоҳ қуллар шодмон бўлдилар. Умид улки, ҳамиша давлат била соғ ва саломат бўлуб, олам аҳлиға комрон бўлғайсиз. Доранда мутаважжиҳ учун дуо била ўзни муборак хотирға бермак вожиб кўрунди деб, қуллуқ дуо била арзадошт битилди.

40

Қуллуқ арзадошт улким, бу бандаға беҳжат ва сарафрозлиғ мужиби бўлғон руқъа етишти. Ўпуб они кўзу қошимға қўйдум. Не қошу қайси кўз, бошимға қўйдум. Иноят қилиб, мундағи ҳолатни руқъа ҳомилидин сўрулса, арза қилғусидур.

Давлат мухаллад ва саодат муаббад бўлсун. Омин ё раббил.оламин.

41

Р у б о и я: Қасринг уза чарх тоқи манзар бўлсун, Базминг аро офтоб мижмар бўлсун, Жавлонинга арса етти кишвар бўлсун, Хар не тиласанг барча муяссар бўлсун.

Қуллуқ арзадошт улким, Абдулкарим Мирак ҳукм бўлғон иш кучни сўзлашиб, кўнгул тилагандек жавоб олиб борди, маълум бўлғусидур. Умид улким, маҳжур қуллар муборак ҳотирингиздин чиқмағайлар деб қуллуқ арзадошт битлиди.

42

Р у б ои я: Эй зухра келиб, мутриби базми тарабинг, Биржисдин ортибон ҳаёву адабинг, Олам элида хисраву хоқон лақабинг, Одамға дегинча хон бин хон насабинг.

Р у б о и я: Не чарх бисоти ишрат афзойингча, Не мехр жамоли олам оройингча, Не ой даври чатри фалак фарсойингча, Не кук авжи хоки кафи пойингча. Куллуқ дуодин сўнгра арзадошт улким, бу факирнинг паришон ашъори ва ошуфта абъётидин харнеким тартиб либосиға кириб эрди ва хар қайсиға тадвин ойини берилиб эрди - барча хумоюн кутубхонаға етиб эрди ва андағи кутуб силкига кирар шарафин касб этиб эрди.

Бу ўтган икки йилким, бу банда бошиға ҳаводиси рўзгордин юз навъ бало ва ишқи забункуш бедодидин юз турлуқ ибтило юзланди. Оллимға ҳар шиддат келса, чун айтурға бир ёри ғамгусорим ва илайимга ҳар суубат етса, чун изҳор қилурға бир рафиқи соҳиб асрорим йўқ эрди, ул шиддату суубат мазмунидин бирор байт ё матлаъ ҳаёл қилур эрдим ва кўнглумни ул ғусса ва андуҳдин ҳоли этар эрдим, бу оз вақтда кўп назм айтилғон эрмиш ва ҳар навъ шеър ва ғазал йиғилғон эрмиш. Буларни зоеъ қилмоқ бандаға номақдур эрди ва тартибиға ҳам ҳукм била маъмур.

Бу сабабдин бурунғи икки девон ашъори била сўнгра айтилғонларни била кўшуб, тартиб била тўрт айрилди, дағи тўрт от қилилди: туфулиятда воқеъ бўлғон ғариб маъниларға — «Ғаройибус—сиғар» ва йигитликда зохир бўлғон нодир таркибларға «Наводируш—шабоб» ва умрнинг вадатида жилва қилғон бадиъвашларға — «Бадоеул—васат» ва умрнинг охириға яқин назмға кирган фойдаларға — «Фавоидул—кибар» от қўюлди. Дағи мажмуиғаким махлут битилибтурур, чун табъ хазойинидин ҳосил бўлғон маоний эрди —«Хазойинул—маоний» лақаб берилди, вожиб эрдиким, муборак назарға еткурулгай.

берилди, вожиб эрдиким, муборак назарға еткурулгай.

Ул сабабдин мафхарус—савохиб Мавлоно Сохибни⁵⁴ қуллуққа йиборилди ва ул мусваддани олий мажлисқа еткурсун дейилди. Бу густохлиққа афв умидидур ва ул густохлиқларға ислох умиди, то тўрт табойин мухталиф инсон хилқатидаким, офаринишнинг хазойини маонисидур — мувофиқ бўлғайлар. Рубъи маскунда хукмунгуз равон бўлсун ва рубъи маскун ахлиға адлингиздин амну амон. Омин, ё раббил оламим.

43

Қуллуқ дуодин сўнгра арзадошт улким, Илдирим мирохур 55 келиб, банданавозлиғ нишонни келтурди. Заиф жисмға андин қуввате ва мажруҳ кўнгулга андин сиҳҳате етишти.

Ўпуб кўзумга қўюб, жоним ичра ер бердим, Алиф кибики бўлубтур макони жон ичра.

Агарчи саъб мараз нихоятида ўлмак бийми бор, ранжур маризға жон умиди, балки ҳаёти жовидон навида етишди. Ул қаламғаким варақ ҳошиясида бадоеъ нукта суруб, замон нотавонин масрур қилибтур-етти иқлим якқалам бўлсун ва ул иликкаким, ул қаламни ул сафҳаға еткуруб турур, ҳақ субҳонаҳу ва таоло рубъи маскун кишварин мусаллам тутсун. Бу зайф банда тобуққа борғон беклар хизматида андоқ деб юбордимким, неча кун Машҳадда туруб, ўз ҳолимға мулоҳаза қилғумдурур. Аҳволимда тафовут маълум қилсам, қуллуқ эҳроми боғлағумдур, ул муяссар бўлмади.

Уммид ила келдим, вале армон била бордим.

Эмди умидворлиғ Юсуф Алидин 56 юборган оғзи сирештлик арзадоштдадур. Тенгри таоло иноятидин ҳазратингизда осондур деб, арзадошт битилди.

Рубоия:

То давр дурур давр санга ёр ўлсун, То чарх дурур чарх мададгор ўлсун, Зотингға Хизр умридин осор ўлсун, Умрингға абад фурсати микдор ўлсун.

Омин, ё раббил оламин.

44

Куллук дуодин сўнгра арзадошт улким, бу факир муддате бўлдиким, муборак дийдорингизға мушарраф бўлмоғон жихатдин иштиёк бағоят ғолибдур. Бу қатла Машҳадға келгандин ғараз бу эрдиким, ўзумга онча қувват ченасамким, ўн—ўн беш—йигирми кунда куллуққа етиб, пойбўслуқ давлатиға мушарраф бўлиб кела олғайман. Қуллуқ азимати қилиб, андоқким, Шайх Алибек била Хусайнкулибекка⁵³ шарҳ била айтиб эрдим, шоядки арз қилмиш бўлғайлар. Бу муддаоға далил буким, бу муддатда заҳмат тортиб ясағон мураққаъни ҳар микдор такаллуф қилиб тугатган китобларниким, булардин ўзга ҳеч нимага хотирбаеталик йўқ эрди — олиб келиб эрдимким, чун бандаға заъф чирмашибтур муборак дийдорингизға мушарраф бўлуб, казо ҳам етса, бу китоблар бори сизнинг назарингизда бўлғай. Чун ўзумда ул қувват топмадим, ул китобларни Юсуф Алидин қуллуққа юбордим. Алар такрийби била гоҳи бу бандангизни соғинурга ҳокимсиз деб, қуллуққа арзадошт битилди, вассалом.

45

Р у б о и я: Эй тожу сариру мулк зебанда санга, Маъмур келиб толеъи фарханда санга, Хам бўлсун улус шохлари банда санга Хам саркашлар барча сарафканда санга.

Куллуқ дуодин сўнгра арзадошт улким, манозил сайридин хуршед ўз манзилиға, яъни асад буржиға юзланганини ва кулон овидин шер ўз бешасиға, яъни Журжон тахтгохи гардун иштибохиға қайтқонини эшитилди. Хумоюн зотқа саломати абадий ғоятсиз эрконин кўргузмак вожиб ва рўз афзун давлатқа истикомати сармадий нихоятсиз эрконини сўрдурмок лозим эрди. Бу жихатдин:

Манга улким надиму сохибдур, Туну кун хамдаму мусохибдур,

ани қуллуққа йибордимким, кўзум мардуми хокбўслиғин ул даргох туфроғиға еткургай ва кирпигим супургуси ваколатидин ул боргох остониға кўз суртуб, хошогин супургай. Умид улким, бу давлатқа мушарраф бўлуб, бандани хам бу арзадошт жавобиға мушарраф қилғай.

Маснавий: То доираи сипехр бўлғай, Токим анга нукта мехр бўлғай,

Хам авжи сипехр тахтгохинг, Хам нуқтаи мехр хоки рохинг.

46

Куллуқ дуодин сўнгра арзадошт улким, доим сохиб давлати азимуш—шон салотин замонида мамлакатларининг мутааййин элидин баъзи даврон хаводиси ва замон навойиби лагадкўбидин хоксорлиққа қолиб, беэътиборлиққа тушар эрканда ул салотин ул шикастаи афтодаға дастгирлиқ юзидин илтифот ва шафқат кўртузур эрмишларким, аларнииг мадад ва химматлари жихатидин ул бечора яна ўз холиға келур эрмиш. Бу замонда Хожа Ҳожи Махмуд Табризийға⁵⁹ халул хол вокеъ бўлубтур. Агар ул салотин

Бу замонда Хожа Ҳожи Маҳмуд Табризийға⁵⁹ ҳалул ҳол воқеъ бўлубтур. Агар ул салотин дастури била шафқат ва илтифот анинг ҳолиға шомил тутулса, умид улким, ул шафқат натижасидин анга дағи бурунғидек жамият ва рафоҳият насиб бўлғай, вассалом.

47

Р у б о и я: Жон қасди кўп этти ёр ҳижрони манга, Ҳирмон ўқин урди улча имкони манга, Гар бўлса мутеъ чарх даврони манга, Еткурса мени ул ойға ё они манга.

Қуллуқ дуодин сўнгра арзадошт улким, заиф ва кувватсиз кулунгузнинг заъфи кувватқа ва марази сиххатқа юз кўюб эрди. Иноят қилиб, сўрдура йиборилган нишонким, етти, айтса бўлгайким, баданда харорат шуъласидин шараре ва кўнгулда изтироб шиддатидин асаре қолмади.

Битикингдинки саводини кўруб жон топтим, Зулмат ичра масало чашмаи хайвон топтим.

Хаста қуллар ўчун ҳақ таоло ул ҳумоюн зотни хасталиғдин асрасун ва қадимий бандалар учун ул фархунда сифотни дилбасталиғдин ўз паноҳида тутсун.

Бу учурда Хожа Ҳофиз Fиёсиддин Муҳаммад Деҳдор⁶⁰ тарҳон қуллуқ эҳромини боғлаб, азимат қилди. Қайсари Рум илтифотин ва ул бобда топқон аҳком ҳолотин арз қилғусидур.

Рубоия:

Ё раб, бўлсун гарди рахинг зевари Рум, Зотингға насиб тахт ила афсари Рум, Дохили мулкунг ичинда юз кишвари Рум, Тобеъ сипахинг хайлида юз қайсари Рум.

48

Рубоия:

Бер мужда кўнгулки, гулъузорим келадур, Жон гулшанида тоза бахорим келадур, Бир кавкаба бирла шахсуворим келадур Ким, юзини ой демакка орим келадур.

Рубоия:

Бу мужда билаки, туққуси субхи висол,

Хижрон қаро оқшомиға юзланди завол, Эмди мену интизори мехри иқбол, Кеч қолса бу мехр то не бўлғай манга хол.

Рубоия:

Қосид келди зоҳир этиб кўп таъжил, Бир нома кўлида васл комиға далил. Бу номадурур каломи мунзалға адил, Ё юқоридин ваҳй кетурди Жабраил⁶¹.

Не нома эрдиким, аршосо даргохдин нозил бўлди анинг шонида «Алҳамду лиллаҳил—лазий анзала аъла абдиҳил китаби»дин ўзга нима хотирға келмас ва не сафҳа эрдиким, фалак фарсо боргоҳдин нузул қилдиким, анинг шонида «Алҳамду лиллаҳил-лазий аҳзаба ғина алҳазон» дин ўзга калима тилга эвурулмас. Умид улким, зафарпайкар роятнинг ҳумоюнфол кўлкасидин фироқ даштида ҳижрон самумидин маҳрур бўлғон заифлар осудаҳол ва ҳужаста асар мавкибнинг жонпарвар ҳабаридин ҳажр зиндонида маҳбус ва маҳжуд бўлғон наҳифлар фориғбол бўлғайлар.

Куллуқ арзадошт улким, иноят нишонида битилиб, эрдиким, Мирзо мулозаматлариға озим бўлулди ва ул азимат ижросиға жозим. Шак йўқтурким, бу хизмат дунё ва охират маслаҳатиға мувофик ва Мирзодек отоға сиздек ўғулдин муносиб ва лойикдур. Иншоллоҳки, ҳар таважжуҳда кишваре фатҳ топқай ва ҳар ҳамлада аскаре мағлуб бўлғой ва ҳар онда жаҳоне мусаххар ва ҳар дамда оламе муяссар бўлғай. Улча битилиб эрдиким, Панждеҳ ва Марвчоқ навоҳисида келиб, мулозамат давлатиға мушарраф бўла олурсен. Бу арзадошт не ерда етса, ҳукм бўлсаким, ул ердин Панждеҳ ва Марвчоққа дегинча манзилларни битиб, не кун ул навоҳиға етарни қиёс қилиб, иноят нишони юборилсаким, бу банда ҳамул ҳисоб била чиқиб, иншооллоҳ, тараддудсиз битилган ерда мулозаматқа етсам. Бу умидворлиғ интизоридадур деб, куллуқ арзадошт густохлиқ қилилди.

Р у б о и я: Ё раб, не тарафки азм қилғай ройинг, Мансур ўлғай рояти гардун сойинг, Мағлуб ўлубон адуви кинафзойинг, Масрур ўлғай хотири мулкоройинг.

49

Рубоия:

Номангки кўнгул комига марғуб эрди, Топти кўнгул андин улча матлуб эрди, Йўк, номаки, дилпазиру махбуб эрди, Хаттида кўнгул муроди мактуб эрди.

Тойири давлат ва икбол балки косиди фархундапайи фаррухфол мукнат ва уббахат бўстонидин, балки салтанат ва азамат остонидин махжурлар рўзгориға ташрифи хузур еткурди ва махрумлар сарвактиға саодат ва икболосо қадам урди, илгида хуккаи лаболаб лаъли коний ва дурри уммоний, балки кўйнида номаи саросар зеби, алфоз ва гавхари маоний, ул хукка оғзини мухри ихфо урғон, балки у нома бошин ғайр кўзи тушмасун деб, ёпуштурғон.

Бу банда чун ул жавохири обдор кийматин билдим ва ул махфий асрорға филжумла вукуф

хосил қилдим. Махфий хитоб жавобин фош арзадошт қилмоқни ва нихон масала баёнини ошкор битмакни адабдин йироқ ва убудиятдин қироқ кўрдум. Ул жихатдин чун ўзум қуллуққа озим ва бандалиғ азиматиға жозим эрдим, муносиб андоқ кўрундиким, хотирға келган шикаста баста алфозни ўзум арзға еткургаймен ва бу паришон ва пароканда маънини ўзум наввоб кулоғиға урғаймен деб, қуллуқ арзадошт битилди.

То жахондур жахонға хомий бўл, Салтанат тахтида киромий бўл.

50

Қуллуқ дуодин сўнгра арзадошт улким:

Р у б о и я: Номангки етишти юз минг эхсон бирла, Кўнглумни фидоси айладим жон бирла, Лутф айла бу хонумони вайрон бирла, Қил ёд қадах ичар замон хон бирла.

Давлат мустадом бўлсун, вассалом.

51

Агар қозийи ислом тенгри раҳматиға борди — подшоҳи исломни ҳақ таоло кўп йиллар диёри ислом ва аҳли ислом бошиға поянда ва мустадом тутқай. Ул мансабқа киши таъйин қилур учун кўп тааммул вожибдур, магарким бу тойифанинг аҳволидин соҳиб вуқуф ва ҳозир бўлғонда барчанинг салоҳ ва фасодин арзға еткурганидин сўнгра нечукким, подшоҳи ислом давлатиға ва аҳли исломнинг маслаҳатиға мувофикроқ киши зоҳир бўлса таъйин қилилғай деб қуллуқ арзадошт битилди.

52

Эй келиб журму гунох ахлиға лутфунг узрхох, Узрхох андок эса, нетонг киши қилмоқ гунох?

Арзадошт улким, бу вақтда Ҳайдар кўкалтошнинг толеининг кавкаби нухусат тийралингидин чикиб, саодат буржиға юзланган учун ва иқболининг ахтари ражъат вуболидин кутулуб, истикомат авжидин тулуъ қилғон учун қилғон тақсирларидин шарманда ва кўргузган журмлари била сарафкандалиғ била саодат ахтаридек фалакфарсо даргоҳқа ва иқбол кавкабидек сипехросо боргоҳға юзланди. Хаёли буким, бошин эшикдаги қуллар оти аёғида ўйнағай ва муроди бу ким, жонин остонадағи итлар олида фидо қилғай. Умид улким, ниятиға қўра илтифот назаридин баҳраманд ва азиматиға кўра шафқат адаридин сарбаланд бўлғай. То абад карам мужримларға паноҳ ва шармандаларға узрҳоҳ бўлсун.

53

Рубоия:

Не холат эрурки ошики шефта хол,

Қўйғон юрагига ҳажр юз доғи малол, Солиб бошиға соя ҳумойи иқбол, Еткургай анга муждаи уммиди висол,

Оллох, Оллох! Фирок шоми саводи не бало дилгир ва умрфарсо эрмиш!

Вах вах! Висол субхи кушоди не ажаб дилпазир ва рухафзо эрмишким, хак субхонаху ва таоло анинг гирифторлариға нажот рақами сургай. Ва мунинг шакар гуфторлиғиға ло илонихоя муждасин еткургай.

Куллуқ дуодин сўнгра арзадошт улким, бу банда куллукдин махрум бўлғали дойим умидвор кўнглум хаёл водисида саргардон ва мудом умидим кўзи интизор йўлида ҳайрон эрдиким, дойимғи дастур била келур кишидин хабар ва бирор номадин асар зоҳир бўлғай. Бу жиҳатдин кўнгул хароб аҳвол ва кўз тийра ҳол эрди. То бу вақтқачақим, Арслонбек ахтачи фатҳ нишонлари била мазкур бўлғон иноятномани еткурди. Кўнгулга андин осойиш ва кўзга кушойиш етишти. Алҳамдулилаҳким, ҳарне матлуб эди ҳосил ва ҳарне марғуб эди восил бўлди. Умид улким, эмди бори киши келса маъҳуд иноятнома била мумтоз ва анинг мазмунида илтифотлар била сарафроз қилилғай.

То жахон ўлғай мутеъ санга, Тобеи табъи бадеъ ўлсин санга.

54

Р у б о и я: То пайки сабо кетурди ёрим хабарин, Шарх айлади сарви гулъузорим хабарин. Билмас кўнгул эмди жони зорим хабарин Ким, пайк кетурди шахсуворим хабарин.

Фироқ шомида висол субҳидин навмидлариға насими саҳар пайки муждасидин жонфизороқ хабаре мумкин эрмас ва иштиёқ мақомида жамол меҳридин кўзи тийра бўлғонларға васл қуёши тулуидин ўзга нима ёруғлуқ бермас. Биҳамдиллоҳ, бурунғи давлат муяссар бўлди. Иншооллоҳким, сўнгғи саодатға ҳам мушарраф қилғай.

Куллуқ дуодин сўнгра арзадошт улким, шотир фадоний фалон ой нечасида фалон кун келиб, иноятномаким, бу бандани ёд килиб эрдингиз — келтурди. Хадсиз нишот ва ғоятсиз инбисот юзланди. Эмди дағи келур кишидин бирор иноятнома била ўзга куллардин мумтоз ва сойир бандалардин сарафроз қилурға ҳокимсиз. Давлати абадий бардавом ва саодати сармадий мустадом бўлсун, омин.

55

Хадиси қудсийдурким «ман коналиллаҳи коналлаҳу лаҳу», яъни ҳар киши тенгрига бўлса, тенгри ул кишига бўлур. Ва тенгрига бўлғонлиқнинг маъниси муни дебтурларким, тенгри таолонинг буйруғи била амал қилилғай ва наҳйидин ижтинобда. Ва тенгри таоло бу кишига бўлмоқнинг маъниси муни дебтурларким, қулнинг ҳар навъ муроду мақсуди бўлса, тенгри таоло ҳосил қилғай ва барча офат ва балодин сақлағай. Бас лозим келди: ҳар киши тиласаким, муроду мақсуди ҳосил бўлиб, офат ва балодин эмин бўлғай, тенгри таоло буйруғи била амал килиб, наҳйдин ижтиноб қилғай.

Ва оламда хеч киши йўқтурким, ҳар навъ муроди бўлмағай ва ўзин балодин эмин

тиламагай. Аммо ҳар кишининг муроди кўпрак бўлса, ҳақ таоло амриға итоати кўпрак бўлса керак: батаҳсис салотин. Ҳар ойинакаим, гадоеки матлуби бир дирам сийм бўлғай, подшоҳеким, мақсуди бир иқлим бўлғай, агарчи иккаласининг тенгри таолоға эҳтиёжи бор, аммо чун матлубларда тафовути кўптур: заруратдурким, итоатда тафовут кўп бўлғусидур.

Fараз бу муқаддимотдин буким, чун салотин тенгри таолонинг баргузида ва азизрок бандаларидурлар ва эҳтиёжлари ва муддаолари ўзга бандалардин кўпрокдур, муқаррардурким, ниёз ва хоксорликлари ҳам ва амри ва итоати ҳам аларға кўпрак ва жамии итоатни ҳазрати рисолат ўз жоддаи шаръиға муқаррар қилибдур. Ҳар киши шаръ жоддасида росихрок тенгри таоло била пайғамбар алайҳиссаломға мутеърок ва муроди ҳосилрок ва балиётдин эминрок.

56

Пайғамбар саллаллоҳи алайҳи вассалам буюрубтурким, «ризо урробби фир—ризаил валиди ва сахатун арроби фи сахатул—валиди» ⁶³ яъни тенгри таоло ризоси ота ризосиға вобастадур ва тенгри таоло ғазаби ҳам ота ғазабиға вобастадур. Бас киши ота ризосин ҳосил ҳилса, тенгри таоло ризосини ҳам ҳосил ҳилмиш бўлғай ва ота ғазабиға учраса, тенгри таоло ғазабиға учрамиш бўлғай. Мундоҳ бўлғондин сўнгра киши нечук ота ризосидин айру дам урғай ё ҳадам ҳўйғай. Ва машойих раҳимуллоҳ сўзи буким, «валадуҳа раббуҳа», яъни отанг парвардигорингдур, бу жиҳатдинким, тенгри таоло сени йўҳдин бор ҳилмоҳҳа васила улдур ва туфулиятдин шабоб синниғача парвариш бергувчи ул. Ва Ҳаҳим Сулаймон алайҳурраҳмата ⁶⁴ валғуфрон рўзидурҳим, ота ҳодири ҳайюм, она розиҳи марсум ва Адиб Аҳмад ⁶⁵ раҳматуллоҳ дебдурҳим,

Р у б о и я: Атодин хато келса кўрма хато, Савоб бил хато токи қилса хато. Атонинг хатосини билгил савоб, Сени юз балодин қутқарғай худо.

Иброхим Халил 66 салавот ур—рахмон алайхининг атоси бовужуди улким, Озари буттарош 67 эрди, ул хазрат атосиға насихат қилурда нидо келдиким, таъзим ва мулоямат била насихат қил.

Ва Юсуф алайхиссалом ҳазрати Яъқуб алайҳиссаломға саҳв юзидин бир тарки адаб қилғон учун, бовужуди нубувват ваъда будурким, сойири анбиёдин етмиш йилдин сўнгра биҳиштга киргай ва Ҳомким Нуҳ алайҳиссаломнинг ўғлидир, ул ҳазратқа адаб тарки қилиб, ул ҳазрат дуоси била ганги қаро бўлуб, пайғамбарлиқ анинг наслидин мунқатеъ бўлди.

Fараз бу муқаддимотдин улким, бу банда дойим сизга давлатхохлиғ сўзин айтибмен ва сизни умру давлатдин бархурдор тилаб, дуо қилибмен ва ҳар номуносиб ишким, сиздин кўрубмен сизга айтибмен, балки китобларимда насиҳатномалар назм қилиб, арзингизға еткурубмен.

Бу учурда бир неча иш сизнинг тарафингиздин эшитилдиким, вожиб кўрунди сизга арз килмокким, борча Мирзонинг жонибининг риоятидин ғофил бўлғон чоғлиғ кўрунди.

Бири улким, вилоят молин машваратсиз олиб турурсиз ва бу маъхуд эмас эрди. Хеч уч тўрт кун эмаским, бир кишингиз келмас, агар имойи қилсангиз эрди» йўқ дейилмагуси эрди.

Яна улким, битибсизким: «Астрободға киши юбормангким, бермагумдур». Бу мазмунни ҳам мулойимроқ битиолур эрдингиз ва «Ироқ вилоятларин улашибмен» деб битибсиз. Иншооллоҳ, Ироқ иликка киргай. Кирмасдин бурун, Мирзо била бир—икки қатла сўзлашмай, арз қилмай, бу иш қилилмиш бўлса, ўзга элдин ажаб бўлмаса, сиздан ажаб воқеъ бўлубдур.

Керак эрдиким, шаръ риояти учун, ўзингиз ҳам оз ё кўп соқол қирқмасангиз эрди, то анга не

етгайким, элингизнинг хам соқолларин қирқтурмағайсиз. Мунда кўп сўз бор, деса бўлмас.

Яна улким, бир нишонингизни келтурдилар, туғросида Мирзо отини битмайдурсиз. Сиздек оқил, хуштабъ мусулмонваш йигитдин мундоқ нималар раво бўлғайму? Агар бу нишонни билиб битибсиз, не ҳисоб била бўлубтур, агар мунши ё ғайр саҳв қилибдур, нечук ҳар нишонни ўзунгиз кўрмай бир ерга юборилгай?

Ота била ўғулдин ўғул била ота орасида фарклар бор Бойсунғур мирзо⁶⁸ ўғлонларидин Бобир мирзодек⁶⁹ эрмас эрдингизким, кўп шафкат кўрмамиш бўлғайсиз. Улуғбек мирзо⁷⁰ фарзандларидин Абдуллатиф⁷¹ мирзодек ё Жахоншох⁷² мирзо ўғулларидин Хасаналидек⁷³ тенгрилик ўртададур. Сизнинг кўпрак ишингиз орасида бу факир эрдим, борчадин сохиб вукуфмен. Сиз дойим барча махдумзодаларнинг махдуми ва Мирзонинг севиклуги ва курратул айни эркансиз. Ўзунгиз билурсизким, Мирзонинг мофиз замирин нисбат сизга бу факирдин яхширок кимса билмас. Биллохилазимким ушбу битгандек маълум килибмен.

Холоким, Астрободни бериб, яхши навкарлар қўшуб сизни йибордилар ва бу хабарлар Ирокдин келурин ва яна кўмаклар хаёл қилиб эрдилар. Хам махдумзодалардин ва хам беклар, ичкилардин ва ҳам сойир халқ сиздин андок кўз тутар эрдиларким, агар Ирок вилояти фатҳ бўлса дағи хизматгорлиғ, бандалиғингизни улуғрок қилғайсиз. Хануз ҳеч ерда ҳеч нима йўқ бу навъ суратларким, зоҳир бўладур — сиздин ҳайфдур.
Мирзога Темурбек тўртунчи насабдур. Мирзо хутбада бекнинг отиға шариф руҳиға

Мирзога Темурбек⁷⁴ тўртунчи насабдур. Мирзо хутбада бекнинг отиға шариф рухиға масжиди жомеъда ҳар одина куни дуо қилдурурлар. Бу ишда Мирзоға ҳам дуодин ўзга не келгай. Сиз нишонингиз тўғросидин Мирзонинг муборак отин чиқорурсиз. Керак Ирокдин Макка, балки Мағриб заминғача олсангиз бу воқеа бўлмаса эрди. Агар Мирзони заиф хаёл қилибсиз — тенгри таоло қавийдур. Фарзанд керак заифлиғида отасиға хизмат маҳаллин топтим деб, жонсипорлиқ қилса.

Биллох, Мирзонинг азиз боши ва сизнинг бошингизким, бу арзадошт битилган тарихдин йигирми кундин бурунрокдин ҳар сабоҳдин туш вақтиғача, пешиндин оқшомғача ўлтуруб, онча иш қилурларким, неча девон, неча нависанда, неча бахши, неча парвоначи жонлариға етиб, неча хийла била қутулурлар. Бу маънидин фарзанд Мавлоно Дарвеш Муҳаммад⁷⁵ соҳиб вуқуфдур. Бу навъким, ўзлуги била борча ишининг нақир ва қитмириға етишиладур. Агар ўтган авқот мунунгдек бўлса эрди, не ишларким бўлмағай эрди.

Сохиб давлат салотин мушфик ва давдатхох кулларининг беғараз сўзларига кирибдурлар. Ўзингиз билурсизким, Мирзо тобуғида бу кул не навъ сўзларга густохлик килибмен. Сизнинг дағи қошингизда ҳамул дастур била вокеъ бўлубдур. Ёшингиз узун бўлсун. Андок кам вокеъ бўлубдурким, бу кулнинг сўзин рад килмиш бўлғайсиз. Эмди дағи бу кулнинг жони куйганда, ўзгаларнинг этаги куймас. Бу бир неча сўз густоҳлик килилди умид улким, кабул тушгай. Тушмаса бу банда айтур сўзни бўйнумдин адо килмиш бўлғаймен.

Тенгри таоло тонуқдурким, бу арзадошт Мирзо буйруғи била эрмас, балким вукуфлари ҳам йўкдур. Хаёлингизға келмағай — буйруқ била битилибдур. Чун сизнинг тобуғингизда айтурча давлатхоҳлиғ сўзини айтурға маъмурмен. Ул жиҳатдин гўстоҳлиқ била арзадошт битилди.

57

Куллуқ арзадошт улким, бир неча сўз хотирға келиб эрди, арз қилмоғи вожиб кўрунди. Аввал улким, илтизом қилилсаким, эрта уйғониб намоз қилилса, агар эшикда масжид тайин қилиб, фарзни жамоат била қилилса - худ фабихо ва илло беш вақт намоз бори тарк бўлмаса, борча масжидда муяссар бўлмаса, баъзи бори бўлса.

Яна улким, алассабох харамдин чиққач, девонда ўлтуруб додхох сўрулса, дағи додхох сўрарда ўзлук била машғуллуқ қилилса, агар бир мазлумға бировдин зулме ўтган бўлса, золимға андоқ сиёсат қилилсаким, ўзга золимларға мужиби интибох бўлса.

Яна улким, додхох иши тугагондин сўнграким, шелон хам бартараф бўлур, ичкихона таъйин қилиб, анда ўлтуруб, аркони давлатни тилаб, мулк ва мол иши айтилса, ўзлук била барчаға етилса.

Яна улким, аркони давлатға ҳар ишким, буюрулур, агар бутмаги бир кун муяссардур, агар икки ё уч кун андок муқаррар бўлсаким, бот бутардек иш ҳамул кун арз қилиб, жавоб олсалар. Кечрак бутар ишни тонгла ё индин ё миодидин ўткармасалар, ҳар кун не микдор бутганин келиб арз қилсалар. Агар баъзи ҳукм йўсуни била миоддин ўткариб, арзға еткурмасалар аларға андоқ хитоб бўлсаким, ўз ишларидин ғофил бўлмасалар.

Яна улким, умид улдурким, ҳақ таоло чоғирдин куллий тавфиқ бергай. Агар бу учарда уйку иртикоб қилилса, албатта пешиндин бурун бўлмаса. Икки намоз орасида бунъёд қилилсаким, уюр чоғ маъхудий уйку вақти бўлса, тонг намози фав бўлмаса. Бори борча ҳол била ҳар неча ичмоқ ишида эҳтиётлик, балки таъхир вожиб билилса.

Яна улким, мулк ва мол ишидин, бас додхох ишидин фароғат ҳосил бўлса, малолат дафъи учун китобхонаға кирилса, кутубхона аҳли била машғуллуқ қилилса. Наввобдин ҳарқайси муносиб кўрунса таворих ўкумоқ буйрулса, батахсис «Зафарнома», ⁷⁶ агар машойих сўзи ё баъзи даввовин дағи гуфту-шунуфт бўлса номуносиб эрмас.

Яна улким, судурға ҳукм қилилсаким, эшикда ободон имом била муқри таъйин қилсаларким, салоти хамсани қойим тутсалар; дағи муҳтасиб таъйин қилилсаким, элни намозға тарғиб қилса.

Яна улким, ҳафтада икки кунким, эшикда акобир жамъ бўлурлар. Ҳофиз Муҳаммад Саноийға ⁷⁷ яхши эҳтиром қилинса, балки буюрулсаким, яқинроқ ўлтуруб, шаръия умурни қатъ қилса, то муборак хотир ўл бобда дағи балоғат пайдо қилса.

Яна улким, Ирок мамлакатиға фахмлик, хушлик кишилар юбориб, дойим хабар тутула турулса. Арз килур йўсунлук хабарларни арзадошт килиб, юкори юборила турулса, ул бобда не хукм бўлса, анга кўра килилса.

Яна улким, шахр эхтисоби амрида яхши эхтимом қилилса андоқким, шаробхона, байтуллатаф, қиморхона - буларға ўхшар номашруъ умурни куллий манъ қилилса. Мухтасиблар ҳафтада икки қатла бозор аҳлининг нархларидин вуқуф топсалар.

Яна улким, судурға ҳукм бўлсаким, шаҳр масожидин эҳтиёт қилиб, имом, муаззиндин маҳалла аҳлин суруб, балким ҳат олиб, намозға тарғиб қилсалар, агар фисқу фасод аҳли бўлуб, алар амри маъруф қила олмасалар арз қилсалар.

Дағи ҳар масжиднинг имомиға таъйин қилсаларким, маҳалла аҳлининг уғул ва ушоғиға мактаб тутуб ўқутсалар.

Яна улким, бу дастур билаким, шахрда таъйин қилинур бўлукот улуғларни Хожа Фахриддин янглиғ борча бу дастур била муқаррар қилилсаким, бўлуклар кент-бакент бу навъ амал қилсалар.

Яна улким, судурға ҳукм бўлсаким, вилоят авқофидин ҳабардор бўлсалар, бузулғонин тузатсалар, мутағаллиба илгида бўлса чиқориб, ҳосилин масрифиға еткурсалар. Бу ишларким, судурға буюрулур Хожа Фалонға дағи ҳукм бўлсаким, алар ишидин ҳабардор бўлуб, аларға мададгорлиғда тақсир қилмаса.

Яна улким, Ҳофиз Муҳаммад Саноий ғаниматдур, шаръ бобида анинг қавлиға қувват берилсаким, шаръға мужиби тарвиж бўлса. Бас масжиди жомъеға бормоқ тарк бўлмаса. Мунда кўрулган дастур била масжиди жомеъда масоили шаръия мазкур бўлса.

Яна улким, девон бекларига ҳукм қилилсаким, бир кун девонда ўлтуруб, мусулмонлар ишин ясасалар. Бу кунғи ишни тонглаға қўймасалар.

Дағи йибориб девонлар ҳам раоё ишин ўзлари қила олурчани қилиб, қила олмасни арз қилиб, ҳукм олсалар.

Яна улким, тавочи бекларига хукм бўлсаким, мол девонида мухр босар беклар дастури била

ясоғлиғ ишга машғуллуқ қилсаларким, анда дағи иш фавт бўлмаса.

Яна улким, шахр доруғасидин беклар била Хожа Фалон андок сохиб вукуф бўлсаларким, жузвин ишдин қуллий имдод тиламасалар. Ҳар мужримдин жаримасиға кўра журмона олсалар. Яна улким, бир муносиб киши таъйин қилилсаким, Мирзом давлат била девонда ўлтурғонда

Яна улким, бир муносиб киши таъйин қилилсаким, Мирзом давлат била девонда ўлтурғонда ҳар ишким, вокеъ бўлур қаламий қилиб, рўзномада сабт қилилса, дағи тарихин битсаким, қачон ул ишни эҳтиёжи билмак бўлса, мазмуни ва тарихи маълум бўлса.

Яна улким, бекларга ва девонларға баса парвоначи ва мухрдор ва муншиға хукм бўлсаким, мусулмонларнинг нишонин ортук тамаъ бирла кечга қўймасалар. Шаръий ва қавлий нишонни бир чорсу мухри била

хукм бўлғон кун—ўқ буткариб берсалар. Куллийрак нишонларни дағи қилаолғонча хукмдин кўркуб, ботрок буткарсалар.

Яна улким, мажлис куруб чоғир ичарға кўп хирс кўрсатилмаса, агар ахёнан биззарур вокеъ бўлса, наввобға муқаррар қилилсаким, хукм бўлмағон киши мутлақо муртакиб бўлмаса, ё мажлисда тартибе маръи

бўлса.

Яна улким, юқоридин ҳар навъ ҳукм етса агар қуллий ва агар жузвий — вақтида ҳукм йўсуни била ишга файса берилмай, ҳеч ишга шуруъ қилилмаса, агар қилғулуқ иштур, ҳукм йўсуни била қилилса, агар муяссар бўлмас бўлса ҳам жавобин бот арзадошт қилиб юборилса.

Яна улким, ҳар турлук арзадоштким, юқори битилса, «насх ва таълиқ» хати била андоқ хоно битилсаким, ўқурда ўқур кишига ташвиш етмаса, «туркча» хат била худ асло битилмасаки, бу бобда қавле дағи бордур. Ҳар сўзким, арзадошт қилинур улча имкони бор машруҳ битилса, ҳар ишнинг тарихин не ой, не кунда экандур андоқ битилсаким, мақсудда ҳеч иштибоҳ қолмаса.

Яна улким, атроф ва жавонибдағи элнинг арзадошти келса, бот узатур элни кўп мавкуф килинмаса. Ҳар қайсиға ўз хурд ҳолиға кўра илтифот қилиб, батаҳсис Мир Зайнулобиддин жонибиким, риояти бағоят вожибдур, мундағи илтифот дастури била алар жонибин дойим риоят қилилса.

Яна улким, ул вилоятларнинг бир куллий ишн дахоналарнинг забтидур. Бу махалдаким, кўнгул тиламасдек амре воқиъ эмас, дахоналарда андок мазбут кишилар кўюб, андок мустахкам ва мазбут килсаким, наузу биллохким, агар амре ходис бўлсаки, мужиби тараддуди хотир бўлса, дахоналар тарафидин хотир бикуллий жамъ бўлса. Яна улким, иш-кучга андок машғуллук килиб, ғавриға етилсаким, аркони давлатдин ҳарқайсиға иш буюрулса миоддин ўткара олмасалар, тағофил била ичкуга машғул бўлуб, эшикка келиб, арз килмокдин эҳтироз килсалар.

Яна улким, отланмок, тушмок, ов кушға машғуллуқ кўп бўлмаса, ул бобда эътикол риоят килилса, то ул ишдин иш-куч фавт бўлурға боис бўлмаса.

Яна улким, Мирзо навкарлариким, анда куллукка машғулдурлар, Мирзо навкарлиги ҳайсиятидин иноят ва ҳурмат алар бобида кам бўлмаса, лекин бекоидалиғе биридин зоҳир бўлса, бозҳост ва сиёсатда маъзур тутулмаса.

Яна улким, тавочи бекларига хукм бўлсаким, ётиш элин мазбут таъйин қилиб, ётиш тавочиси ҳар кун аларнинг ётишиға келган—келмаганин яхши тергаса, то ётиш иши фавт бўлмаса.

Яна улким, девонийларға хукм бўлсаким, атрофдин келган бозургонларнинг жонибин риоят килсалар. Ул вилоятда «тамғо» лафзи мазкур бўлмаса. Закотни шаръ ва хукм йўсуни била закотчилар алардин мустахлас килсалар. Закотчилар ишидин тавочи мох-бамох, балки хафтабахафта вукуф топиб арзға еткурсалар. Жузвий жарима килғонни куллий сиёсат килилса бок йўкдур, то бу овоза олам мамоликига ёйилса, тужжорнинг ружуи кўпрак бўлса.

Яна улким, мундин ортук жузъиёти арз килилса шояд мутолааси мужиби калоли хотир бўлғай. Аммо саъй килилсаким, жамъи умурда тенгри таоло ёдидин ғофил бўлулмаса. Мирзони дағи кўрулса, то бу икки иш мужиби саодати дину дунё бўлса.

Илтимос улким, бу арзадоштни Мавлоно Дарвеш Муҳаммадга топшурулса, ҳар икки—уч кунда бир қатла тилаб мулоҳаза қилилса, дағи ҳукм бўлса, агар муборак хотирдин пўшида бўлиб, тиламак унутилса, ул ўзи тиламай дағи ҳар икки—уч кунда келтуруб, тобуғда арз қилса, дағи ҳар ҳусусдин ҳарҳайси ишким, арз қилғон йўсунлуқ сурат боғласа, ани шарҳ била иноят қилиб, битиб йиборилсаким, Мирзо арзиға еткурулса.

59

Қуллуқ дуодин сўнгра арзадошт улким, иноятномангиз бу бандаға мужиби сарафрозлиғ бўлди. Хамиша банданавоз бўлғайсиз.

Шеър:

Етишти руқъанг овора қилди кўнглумни, Не руқъа эрдийи, юз пора қилди кўнглумни.

Давлатингиз мустадом бўлсун.

58

Ул қатор теваким, ҳижрон кунида ашким қатралари қаторидин намуна бўлғай ва ул оқ уйким, фироқ айёмида сиришким селоблари ҳубобидин нишона бўлаолғай - етти. Ул бири раҳмат малойикидин ашраф ва бу бири саодат сипеҳридин арфаъ кўрунди.

То фалак бухтилари тузгай қатор, То тўлун ой оқ уй этгай ошкор,

Сарбонингға ул ўлсун боркаш, Бу бири фирошингга хиргохваш.

60

Кўнглума келмас хазони боғ аро норанж хуш Ким, хазони ҳажр бўлди юзим норанжваш,

Хазоний боғ аро ул ой тану чехрамни кўрган чоғ, Дегайким, бир қуруқ шох узра қолмиш бир сориғ яфроғ.

Қуллуқ дуодин сўнгра арзадошт улким, бандавозлик килиб йиборган нома етишти, дурри обдордек маонийси фирок ўтиға сув урди ва лаъли шахвордек алфози кўнгул жарохатиға жавҳари руҳ еткурди.

Нома эрмас эрдиким таъвизи жон эрди манга, Хажр тиғи қатлидин хатти амон эрди манга.

Ўзунгиз дағи унутмай гохи Мирзо тобуғида соғиндурсангиз.

Аввалғи: Улук танимға жон бермакдур, Иккинчи: Ҳаёти жовидон бермакдур.

Икки дунё саодати муяссар бўлғай.

61

Рубоия:

То ҳажр асиру дилфигор этти мени, Дашт узра қуюндек ошкор этти мени, Девона мисол беқарор этти мени, Саргашталик ичра хоксор этти мени.

Қуллуқ дуодин сўнгра арзадошт улким, иноятномаеким, саводи зулматидин хижрон тиғи қотиллариға зулоли зиндагоний текургай ва сафҳаси баёзидин фироқ туни шоҳидларига субҳи ҳаёти жовидоний кетургайки, бу заррани мазмунидин қуёшга еткуруб эрдингиз, фалакдин ўткариб эрдингиз - етишти. Заиф танға боиси қувват ва наҳиф жонға мужиби сиҳҳат бўлди.

Бу навъ бирла мени гох—гох ёд айланг, Шикаста хотиру ғамгин кўнгулни шод айланг.

Мундағи мулозимлар била раоё хушвақтдурлар. Умид улким, кундин-кунга яхшироқ бўлғайлар.

Абадий давлат мустадом ва сармадий саодат бардавом бўлсун.

62

Исмат ҳарамида жилвагоҳинг бўлсун, Иффат чамани ҳарами жоҳинг бўлсун. Иқбол сипеҳри хоки роҳинг бўлсун, Тенгри бори ҳолатда паноҳинг бўлсун.

Қуллуқ дуодин сўнгра арзадошт улким, мулозамат муфорақатининг шиддати шарҳи қалам таҳририға келмас ва убудият муҳожаратининг суубати баёни раҳам таҳририға сиғмас.

Бировки васл насими тарабфизодур анга, Чу қадрин англамади ҳажр ўти сазодур анга.

Умид улким, иноят чаманидин васл насими эсиб, фироқ туфроғининг хас-хошогин учурғай ва ҳидоят булутидин қурбат ёғини ёғиб, ҳижрон ўтининг ахтар ва шуъласин ўчургай.

Бу факир бу вилоятға келганда воқеъ бўлғон ишлар кайфиятин юқори арзадошт қилиб, Фалонни йуборилди. Ул бобда иноятни кам қилмай, дорандани ботрод узотурға мулозимлар ҳокимдурлар.

Байт:

То Зуҳалдур қошингда қул бўлсун. Ё қуёшдур бошингда эврулсун.

63

Хазони ҳажр аро қолдим йироқ баҳоримдин, Юрурмен итдек улуб айру шаҳриёримдин, Истарам Луқмон киби касб айласам паррандалик, То етиб ул остонға зоҳир этсам бандалиқ.

Қуллуқ дуодин сўнгра арзадошт улким, Луқмон келди, иноятларким, сойир қулларға вокеъ бўлуб эрди-еткурди. Борчаларнинг боши кўкка етиб, Мирзонинг давлатларининг дуосин бажо келтурдилар. Мундағи сойир холотни арзадошт қилиб йиборгон учун мукаррар битилмади.

Ём отлари била ёмхоналар иши бузукдур, ул бобда куллар тобуғида сўз арз килилибдур. Арзадошт килсалар умид улдурки, мустахсан тушгай, деб куллук арзадошт битилди.

64

Эгнимни мушарраф айлади хилъатингиз, Жисмимни муаззаз айлади кисватингиз, Кўнглумни хуш этти рукъаи шафкатингиз Ким, кундин-кунга ортсун давлатингиз.

Ташрифотким, иноят бўлуб эрди ҳижрон дўзахида азоб тортадурғон урён жисмимға висол биҳиштидин биҳишт ҳуллаларидек ёпилди ва ийд шоми ятим атфол мунгға қолғондек яланг пайкарға иноят махзанидин каромат деболари келди.

Арз улким, мулозамат муфорақати чун варақға мужиби туташмоқ ва қаламға андух шуъласи бошдин ошмоқ эрди — ложарам ул бобда шуруъ муносиб кўрулмади. Икки дунё давлати муяссар бўлсун, омин.

65

Фирок ароки, етар кўкка шуълаи охим, Бу ўтға, ох, агар рахм қилмаса мохим.

Куллуқ дуодин сўнгра арзадошт улким, иноят нишони била бу кулунгизни ёд килиб эрдингиз — мужиби сарафрозлик бўлди. Тенгри таоло давлатингизни орттурсун ва ёшингиз узун бўлсун.

Ғамим еткурди мингдин бирга руқъанг, Ки бергай тенгри бир ёшинға минг ёш.

Битиб эрдингизким, Мирзо тобуғида камина қулни ёд қилиб йиғлармен. Ёд қилурингизға розимен, йиғларингизға йўқ.

Дема ҳажрингдин манга одат бўлубдур йиғламоқ, Шод бўлғилким, манга қисмат бўлубдур йиғламоқ.

Давлат бардавом ва саодат мустадом бўлсун.

66

Руқъаеким, сафхаси баёзи мажрух кўнгул жарохатига кофурий мархам еткургай ва номаки,

саводи нуқтасидин оқорғон кўзга мардуми бийно кетургайким, бу ҳижрон дарди бечорасин ва фироқ дашти оворасин анинг била мукаррам қилиб эрдингиз - етти.

Р у б о и я: Мазмуни била кўнглум ўти кам бўлди, Алфози била замир хуррам бўлди. Хижрон сўзи гарчи мужиби ғам бўлди, Васл уммидида шодлиғ ҳам бўлди.

Хак субҳонаҳу ва таоло ул зоти малакий сифотни фалак ҳаводисидин масун ва ройи жаҳонорони ҳаводис кудуратидин маъмун тутсун, омин.

67

Хам тутулмиш жон кўнгулдин ҳам кўнгул жондин манга, Мен аларға ҳасм, алар ҳам дард ҳижрондин манга.

Қуллуқ дуодин сўнгра арздошт улким, иноятномаким, йибориб эрдингиз келди.

Йўқ—йўқки олиб қошимға қўйдум они, Кўзга суртуб бошимға қўйдум они.

Агар бу фирок ўтиға зор бўлғонға ул савод зулматидин оби ҳаёт зулоли келмаса эрди, ул ўтға не нима таскин бергай эрди ва бу ҳижрон шомиға гирифторлиғ бўлғонда ул субҳ баёзидин умид қуёши тулуъ қилмаса эрди, бу тийраликни не нима ёрута олғай эрди?

Хаётингиз зулоли абадғача завол касофатидин орий бўлсун, омин.

Қадим хам ўлди айру қошингнинг хилолидин, Бағрим чу бошға тушгали қаддинг нихолидин.

68

Боғдин келди насиму, гул исин келтурмади, Не тиканларким, бу ғам кўнглум аро синдурмади.

Хуллуқ дуодин сўнгра арзадошт улким, ахтачи келди, мулозимларининг муборак мизожларининг сиҳҳати хабари битилмайдур эрди, синуқ кўнгулга мужиби ғам ва бузуқ хотирға боиси алам бўлди. Умид улким, ҳақ таоло ул синуқ била бу бузукдин ул ғам била бу аламни дафъ қилғай.

Б а й т: Дахр бўлғунча жохингиз бўлсун, Тенгри дойим панохингиз бўлсун.

Б а й т: Етишти қосиду йўқ анда ёрнинг рақами, Бузуқ экинга булут келдию йўқ эрди нами. Баски ҳижрон ҳар замон кўнглум аро юз ғам солур, Ногаҳон кўрса бировни шодмон ҳайрон қолур.

Қуллуқ дуодин сўнгра арзадошт улким, гох—гох илтифот килиб йиборилган иноятномаким, мутолааси фуркат дардиға дофеъ ва мушохадаси хижрон аламиға рофеъ эрди, бирор нима камрак бўлубдур.

Байт:

Толеъ агар будурки кўрармен мени ғариб, Андин эмасдурур буву юз мунча ҳам ажиб,

ва лекин:

Лутф агар қилсанг дамодам бандамен, Дамбадам қилсанг жафо ҳам бандамен.

Аммо неча дағи мундоқ бўлса табиат одат қилғон лутф ва иноятни кўз тутар эрмиш ва кўнгул ўрганган шафқати бениҳоятни соғинур эрмиш.

Исмату давлат боргохи гардунсой ва иффату шавкат саропардаси сидрафарсой бўлсун.

Байт:

Кўзунгни тенгри дойим шах жамоли бирла ёрутсун, Ямон кўздин сени, сендин ямон кўзни йирок тутсун.

70

Рубоия:

Хам чарх бисоти арсаи боргахинг, Хам ой жирми наъли саманди сипахинг, Хам кун сипари казо ўкидин панахинг, Йўк—йўк, бу чарху ою кун хоки рахинг.

Куллук дуодин сўнгра арзадошт улким, иноят нишониким, туғроси учун куёш олтунини фалак садафида ҳал килиб эрди ва меҳри учун муштари юзига ҳумоюн алқоб ёзилиб эрди — етишти. Чун ул олий мисолни бошимға қўйдум — мартабада бошим қуёшдин ўтти ва саодатда юзум Муштарий озига етти. Шоҳона ҳилъатлар мужиби ул бўлдиким, қуллуқ кисватин бир— бири устига кийгаймен ва муҳаррар фўта боиси ул бўлдиким, қуллуқҳа белимни икки ерда боғлаймен, ва яҳши от била олам аро яҳши от чиҳорғаймен ва нафис раҳт, била сипеҳр атласиға бош индургаймен. Бу иноятлар жозибаидурким, иноят риштаси била тортиб келтурадур ва бу шафҳатлар кашишедурким, муҳаббат қуллоби била чекиб югуртадурким, не олий даргоҳ мулозамати орзусидин ҳарор бордур ва не ул орзуни ҳилмоҳҳа иҳтиёр. То сипеҳр бўлғай, ул сипеҳросо даргоҳ фалак ҳадрлар саждагоҳи ва то меҳр бўлғай, ул фалакфарсо боргоҳ ҳуршедвашлар паноҳи бўлсун.

Байт:

Мутеи амру нахйинг ахли олам, Алар хайли аро мен нотавон хам.

71

Рубоия:

Гулшанға, насими субх, розим еткур, Не роз, ҳадиси жонгудозим еткур. Гул бошиға эврулуб, ўпуб сарв аёғин, Кўпдин—кўп қуллуқу ниёзим еткур.

Қуллуқ дуодин сўнгра арзадошт улким, фирок зовиясида овораликнинг баёни мужиби кудурат ва боиси малолат бўлғай деб андин шаммае изхор килмок маслахат кўрулмади.

Яна арз улким, иноятларким, ҳар бири рашки ниғорхонаи Чин ва ғайрати биҳишти барин эрди, ҳар биридин қорорғон кўзга нур ва бузулғон кўнгулга сурур етишти. Ва улча салтанат дуржининг дурри поки ва хилофат буржининг кавкаби тобноки Султон Муҳаммад Мирзо⁸⁰ тула умруҳу ва ҳулида давлатуҳу бобида битилиб эрди, ул шодмонлиғ шарҳини ҳайси тил била ҳаламнинг таҳрир ҳилурға салоҳияти ва ҳайси раҳамнинг баён ҳилурға ҳобилияти бўлғай. Ул дурри гаронмояни тенгри таоло Мирзо била Бегим⁸¹ учун поянда тутсун, ва ул аҳтари баланд сояни ҳаҳ субҳонаҳу ва таоло Мирзом била хоним учун тобанда асрасун.

Давлати абадий ва саодати сармадий поянда ва мустадом бўлсун, омин.

72

Мирзом тобуғида қуллуқ дуо ва ниёздин сўнгра арзадошт улким:

Дахрға берсун мудом макдамидин зебу зайн, Шох Мухаммад Бадиъ ибни Музаффар Хусайн.

Китъа:

Талаб бахорида боғингки гулбуз этти аён, Бу гулбунунға дағи тоза гуллар очилсун.

Умид боғида тикдинг нихолу гул берди, Гулунгни ҳақ карами эмди борвар қилсун.

Бу салтанат авжининг ахтариким, шараф буржидин тулуъ этмиш — партавидин дахр шабистони равшан бўлсун ва бу хилофат бўстонининг вардиким, саодат чаманидин жилва килмиш — тароватидин олам вайронини гулшан этсун. Бу нахли баландпоя волидайиға борвар ва жаддайиға соягустар ва бу дурри гаронмоядин обоға осойиш ва уммаҳотға оройиш.

Рубоия:

Хам шоҳға дурри тожи торак бўлсун, Хам халқға зилли ҳақ таборак бўлсун. Андокқи Хуросонда муборак бўлди, Машриқдин Мағрибға муборак бўлсун.

Байт:

Тирик бўлсам гар ўзни базми васлинг ичра солғаймен, Фирокинг шиддатин дей олмасам худ, йиғлай олғаймен.

73

Не руқъа эди мендин ўксутгали ғам, Ёр илгиға олиб қаламу сафҳани ҳам, Сафҳа лавҳида қаламий қилди рақам Ким, ҳаттиға офарин деди лавҳу қалам.

То шафақнинг рангин сафҳаси қуёш муҳрасидин жило топқай - ул сафҳа сунъ котиблари килкидин шоҳ мадҳи шоҳ байтлари била зевар ва зийнат топсун ва то ул сафҳа наққошлари сунъидин собит ва сайёра била зарафшон бўлғай — шаҳаншоҳ васфи гавҳари шоҳворлари била зевар кўргузсун. Не икки байт эдиким, икки сарой ҳосилин фидо қилсам, ҳеч иш қилмамиш бўлғаймен ва не назм ва наср эрдиким, жон ва кўнгул жавҳарларин нисор этсам, қадрин билмамиш бўлғаймен, назмининг раъноларида юз ноз ва насрининг зеболарида минг роз.

Р у б о и я: Наср андаки, анжом ила оғоз эрди, Ҳар лафзи анинг мояи эъжоз эрди, Ҳар турфа хат анда роз пардоз эрди, Йўқ айб агар десам хати роз эрди.

Байт: То жахондур умру давлат пойдор ўлсун санга, Салтанат тахти уза доим қарор ўлсун санга.

74

Куллук дуодин сўнгра арзадошт улким, иноят нишонида хазрат хакойик панох наввароллоху маркадаху ва жаал ал-жанната масвоху нур ходиса вафотларин³² сўруб эрдилар; хак субхонаху ва таоло ул хазрат зоти малаксифотин ахли олам учун кўп йиллар бокий ва поянда тутсун ва давлатларининг хуршедини жовид музий ва тобанда асрасун. Муборак хотирға равшандурким «Кулли ман алайха фана» каримаси манзуми била хар кимгаким бако жомидин нашъа етишти фано хуморини тортардин гузири йўктур ва «Кулли шаъйин холикин илла важхаху» зояти мазмуни била бокийи мутлак ва хаййи бархак вужудидин ўзга жамиъ ашёға захри халок жомин ичардин чора йўк ва бу фано макоми бако доруссаломи йўлида бир манзилдурки, «кун фид-дуня к-аннака ғарибун ав обири сабилин» андин хабар берур. Ва ахлуллохким бу йўлдин ва бу манзилдин огохдурлар ўзларига бу водий катъини осон ва дори фанонинг бору—йўкини яксон килибтурлар. Алар бу махалли хаводисдин «фи макъади сидкин инда малики муктадир» га роғиброкдурлар. Аммо факирларким аларнинг шариф зотлари барокотидин махкуф ва жонбахш такаллумлари оби хаётидин махрум колурлар, хар ойинаким мужиби сўги абадий ва боиси мотами сармадийдек бўлур. Аммо ул хазратдек сўрғувчи бўлса, кўнгул ғамидин не ғам ва хотир аламидин не алам.

То жоми бақоға маст бўлғай Жомий, ⁸⁶ Кавсар майидин бўлғай анинг ошоми, Шах жоми ичида бодаи гулфоми, Бўлсун тўлаву хамиша андин коми.

75

Анинг тобуғидаким:

Эрур мажмуи султонларға султон Ки, эмди тенгри они айласун хон,

бош уруб, тобуқ анинг жанобидаким:

Хилофат авжида андоқ қуёш эмас мумкин, Покликдин деб они Муҳаммади Маъсум, 89

анинг остонидаким:

Хусрави пок гуҳар шаънида бўлди марқум, Покликдин деб они Муҳаммади Маъсум, 89

анинг хазратидаким:

Эрур салтанат жисмиға нури айн, Музаффар Хусайн ибн Султон Хусайн. 90

Байт:

Улки шах хизматида мендин ўзин шод этгай, Илтимосим буки, гохи мени хам ёд этгай.

Яъни Сафиябека⁹¹ хизматларида ниёз бирла дуо мажлис аҳлининг жавоблари:

Шах қошида азизу сохиб қадр, Нури айни замона Сайд Бадр, 92

Улки туғмас атодин андок ўғул, Якжихат банда шахка Мири Мўғул,

Шоҳға жонин тилар этгай нисор, Шоҳ Ҳусайн улки эрур жонсипор,

Шох давлатидин қадаҳкашу гуҳарпош Ким, дерлар ани Муҳаммад Кўкалтош. 93

Улки бўлғай карам қилиб маъбуд, Ўйлаким оти оқибат Маҳмуд. 94

Шох базмида қадах тутқучи, Мир Дарвеш Мухамад сувчи. 95

Улким эрур суруди зоти киби мулойим, Бошида йўқ сари мў куллуқдин ўзга қойим.

Улки эгрида туздур оханги, Яъни Устадзодаи Чанги⁹⁶

Яна шах куллуғида бемухобо, Надиму ғамгусору банда бобо. ⁹⁷

Яна ёрики софу беғашдур Ҳам вафокешу ҳам жафокашдур.

Анга йўқ борча фазлларда бадал, Фазл аҳлидин отидек Афзал. 98

Борининг хоксору хоки пойи, Ғариби бенаво, яъни Навоий.

Дуо айтиб қилур бу навъ эълом, Ки шах базмида майдин олсангиз ком,

Гар итган итларин ёд айласа шах, Мени ҳам айлагайсиз ёд гаҳ—гаҳ.

М а с н а в и я: Зихи рукъанг хаётимға васила, Кўнгул захмиға мархамлик фатила,

Етиб чун ул фатила бирла марҳам, Бутуб қонлиғ кўнгул захмин жигар ҳам.

Мазкур бўлғон руқъаким, илтифотингизға мушъир эрди ва мастур бўлғон номаким, саломатлиғингизға, мухбир-маҳзун хотирға андин фориғболлиқ ва мағбун кўнгулга андин хушҳоллиқ юзланди.

Марфуъ улким, битиб эрдингизким, сен муқаррар қилғон ишлар баъзи ёронларнинг номувофиклигидин сурат тутардек эмас. Олам аҳлининг муддаолариким, муҳолиф бўлғай бир мақсудқа мувофиқ ясамоқ душвордур. Аммо табъи салим ва ақли мустақим шонидин будурким, қила олғонча ўз ҳолиға муҳофиз ва ўз афолиға мулоҳиз бўлғайким, анинг жонибидин амре вуқуъ топмағай ва сурате юз кўргузмагайким, индаллоҳ маъҳуз ва инданнос маълум бўлғай.

Сиз қила олғонча борчани Мирзо давлатиға муносиб ишларга сойи бўлунг. Қилсалар давлатлари бўлғай, қилмасалар сизнинг некандишлигингиз натижаси сизга етишгусидур.

Китъа:

Хамиша то аносир тўрт зиддайн, Қилур таркиби инсонни мувофик,

Қила кўр махзи инсониятингдин, Неким аз дод эрур они мувофик. Тавфик рафик бўлсун, омин. Мехри оламтоб агар бўлса жамолинг кўзгуси, Кеча хам кундуз киби тутғай жахонни ёғдуси.

Куллуқ дуодин сўнгра арзадошт улким, иноят қилиб йиборған сочикким, қизилидин фироким тийра кунига юз мехри рахшанда толеъ бўлди ва окидин хижроним каро тунига минг анжуми дарахшанда ломеъ ва хулла кирдор хилъатким, мажнунлук мотамидин чикмок нишонаси ва вахй осор китобким, Махзунлук ғамидин кутулмок нишони эрди - етишти. Ул икки била висол сармоясидин ғани бўлдум ва бу икки била фирок бесармоялигидин мустағни. То мехр фулуриси кўрунгач, анжум дирамлари итгай ва то субх хулласи ошкор бўлғач, кеча палосининг рақамлари кетгай.

Маснавия:

Қамар бирла хуршиддин муттасил,. Сочилсун бошинг узра оқу қизил.

Кириб дахр ташрифи эхсонинга, Фалак бош қўюб хатти фармонинга.

78

Рубоия:

Эй тойири давлат, айласанг азми висол, Бу чок кўнгулни уз урубон чангол, Бўлсун бирисини айласанг тўъма ҳалол, Қолғон бирисини итлари оллиға сол.

Қуллуқ дуодин сўнгра арзадошт улим, бу банданиким ул даргох куллуғининг хавоси ёру диёрдин нуфур ва ул боргох хизматининг муддаоси сабру қарордин махжур қилиб, бу вилоятда маскан ва бу сархадда маъман туттум, шак йўқким, хулуси ақидам натижасидин эрди. Хам мавкиби хумоюндинким, гарди сурмасидин адолат ва нусрат қўзлари равшан ва асокири мансураким, тиғлари сувидин фатху зафар биёбони гулшандур — бу тарафдағи вилоятда қишлоқ қилдилар.

Маснавия:

Қишингнинг қори сийми ноб бўлсун, Сахоби қоқуму синжоб бўлсун.

Май ул сийм устида ёкути махлул, Тутуб ёкут хат сокийи макбул.

Сен ўл соқию ул май бирла хушҳол, Очилғунча баҳори айшу иқбол.

Баҳор ўлди чу бахти комрондин, Ани ҳақ айласун эмин хазондин. Чун бу тавр давлат муяссар бўлди ва бу навъ саодат юз кўргўзди — куёш оташи буржға тахвил килгондек ул салтанат сипехрининг мехри жахонтоби кишлокка кирган комронлигнинг ва арслон маргзорга чиккондек ул хилофат бешасининг шери гобби токка юзланган шодмонлигнинг тахниятин сўргали ва буларнинг зимнида бу бандайи хоксор ва чокари умидвор ўзининг сойир куллар жаворига келганин ва умум бандалар силкига кирганин арз килгали муътамад анис ва муътаман жалис Хожа Хофиз Гиёсиддин Мухаммад Дехдорни остонбўслукка юборилди. Умидким, илтифот кўзига макбул ва иноят назарига машмул тушгай.

Маснавия: То жахон бўлса дахр шохи бўл, Дахр элининг жахонпанохи бўл.

Васфинг ичра улус тили қосир, Зотингга тенгри хозиру нозир.

79

Бўлмас эрмиш жилвагар сарви хиромоним менинг Ким, аёгиға фидо бу нотавон жоним менинг.

Қуллуқ дуодин сўнгра арзадошт улким, нишон мазмунидин маълум бўлдиким, маъхуд мараз зоҳир бўлғондур. Бу хабарни ўқуғоч:

Анингдек бехабар бўлдум ўзумдин Ки, зойил бўлди нур икки кўзумдин.

Кўп урдум дарду мехнат тошиға бош Ки, синди ҳар тарафдин бошу ҳам тош.

Ва лекин чун бу мудхиш хабар зайлида сиххат сўзи битилиб эрди ва ул заъф сўнгғида шифо кайфияти ёзилиб эрди, ғамгин кўнгулга мужиби таскин ва алам ўтлариға боиси ором бўлди.

Рубоия:

Гулдек баданинг бўлуб саломат, ё раб, Шамшодинга бўлсун истикомат, ё раб. Бир умр ҳақ айласун каромат ё раб, Ким кирсун аросиға қиёмат, ё раб.

80

Не баҳор ўлғайки бир гул ҳажридин бадҳол мен, Ўйлаким, булбул хазон фаслида гунгу лол мен.

Куллуқ дуодин сўнгра арзадошт улким, иноятномаким бу факирға мужиби мубохат бўлуб эрди — етишти. Сафхаси баёзидин фироким шомиға субхи икбол юзланди ва хуруфи саводидин хижроним кунига шоми висол зохир бўлди. Аммо Мирзонинг муборак мизожлариға заъф юзланган жиҳатдин ва ул заъфка сиҳҳат бўлғон ва кайфиятдин ҳеч нима изҳор қилилмайдур эрди ва ул ҳайсиятдин шаммаи битилмайдур эрди. Агарчи кўнгулга изтироб ва хотирға изтирор

юзланди ва лекин чун бу иш маразнинг озлиғиға далолат қилур ва сиҳҳатнинг ботлиғидин хабар берур эрди, бу дағи мужиби нишот ва боиси инбисот бўлди.

Умр асоси мухаллад ва давлат биноси муаббад бўлсун!

81

Рубоия:

Ул даргохдин келди расули макбул, Афлокдин андокки наби килди нузул. Фархундалиғиға боқсалар аҳли уқул. Ҳам деса бўлур расулу ҳам оли расул.

Куллуқ дуодин сўнгра арзадошт улким, иноятномаким, сафҳаси рангинлиғидин жон гулшанида оташин гуллар очилғондин ва обдор лолалар сочилғондин намунае ва рақами ул гул ва лола аросида мушки ноб сепилган ва сунбули сероб экилганидин нишона кўргузур эрди — етишти. Гулнинг ҳар яфроғи бузулғон кўнглум равзасиға зевар берди ва лоласининг ҳар чароғи қарорғон кўзум уйин мунаввар қилди. Иноятларким, қилилиб эрди — аларнинг муқобаласида не шукр дей олғаймен ва не узр бити олғаймен, то фалакнинг ложувардий атласи қуёш зарриштасидин муталло бўлғай, қулларингиз эгнига чорқаб тикулсун ва то меҳр ва анжумнинг оқ ва қизил дирамлари сипеҳр атбоқини музайян қилғай, бандаларингиз бошиға сочиқ сочилсун.

Нома ёзғон чоғда бўлмиш эрди хунафшон кўзум, Оқ варақ гулранг бўлди токи сочти қон кўзум.

82

Рубоия:

Эрмас андин нола била ох ғариб, Гурбат истар гар улус огох ғариб, Тушса киши бир мулк аро ногох ғариб, Ким сўрғай ани шохи жахон — Шох Ғариб.⁹⁹

Қуллуқ арзадошт улким, ғарибнавозлиғиким, бу афтодаға мужиби сарафрозлиғ эрди, бандапарварлиги ким, бу шикастаға дилнавозлиғ берди, яъни:

Ул руқъаки, сочиб эди кофур уза анбар, Ҳар нуктаси мушк эрдию ҳар нуқтаси гавҳар —

етишди. Нуктаси мушкини кўзум мардуми устида қўйдум ва лафзлари гавҳарини жон риштасиға чектим, кўз уйи андин мунаввар бўлди ва жон кулбаси мундин зебу зевар топти. Ул шоҳлар ғарибин ҳақ таоло ўз паноҳида ва ул ғариблар шоҳин тенгри таоло мурод жилвагоҳида тутсун.

Маснавия:

То жахондур санға мурод ўлсун, Ишинга дам—бадам кушод ўлсун. Хам кушодинг мурод сори яқин, Хам муродинг кушод бирла қарийн.

83

То ҳар неча куҡ бинафшазори кавокиб норанжлари била зийнат топар, ул ҳазратнинг сипеҳросо тахти кавкабмисол сабот ва давом гулмиҳлари бирла истиҳком топсун ва то саҳар гулистони қуёш сариғ гули била зеб тутар, жаҳоноро маснади ҳуршидтимсол баҳойи локалом гирд болишти била ороста ва мустадом булсун.

Қуллуқ дуодин сўнгра арзадошт улким, то ул ҳумоюн мавкиб ғубори кўзлардин йироқ тушубтур, кўзлар фирок зулматидин тийра бўлуб, ҳамул ғуборни тўтиёлиққа топмайдурлар.

Дедимки, сурма қилай гарди раҳнавардингни, Фиғонки, топмади кўз тўтиёға гардингни.

Ва то ул рўзафзун давлатлик остон туфроғи юзлардин айрилибдур, юз сори кўймок учун юз уруб, хамул туфроғни кимиёликка топса бўлмайдур.

Fубори остонинг не ажойиб кимиё эрмишКи, рухсоримға онинг ҳажри олтун рангини бермиш

Чун бу фирок шиддатидин такрир ожиз ва бу иштиёк суубатидин тахрир косирдур — хома тили равонлиғидин не фойда ва тил хомаси гавҳарфишонлиғидин не натижа? Ложарам бечораларға дуо била қонеъ бўлмоғдин ўзга чора йўктур ва дардмандларға хаёл била ўзин тутмокдин ўзга давое йўктур.

То фалаки даввор тўққуз хони анмум дирамлари била музайяндур, ул дирамлик хонлар мулк фатх килғон жайшингда сочик бўлсун ва кавокиби сайёр дурусти секка хутутидин муарродурур ул сода сиймлар очкон кишвар зарробхонасида секкаи адлингға сўкулсун,

Рубоия:

То тенгри эрур боқию олам фоний, Тенгри тутсун сенга мусаллам они, То бўлғай улусқа шоҳлиғ имкони, Сен шоҳқау шоҳ санга арзоний

84

Рубоия:

Десамки, сўрай сени, не тил бирла сўрай? Ё улки кўрай сени, не кўз бирла кўрай? Итлар киби махласингни истаб югургай, Гоҳи қилибон дуо сенинг сори хурай.

Бовужуди бу ҳол сўрмоққа дағи рухсат ҳосил эрмас ва кўрмакка дағи ижозат бермас. Аммо тириклик ғаниматдур. Бу фақир илгимдин келганча саъй қилдимким, бу ерга етмагай, чун такдир бу вокеаға борғондур — суд қилмади ва чун қазо бу ҳодисаға боис эркандур — натижа бермади. Эмди мултамас улким, тенгри таоло такдириға ризо берилгай ва борча тақсирни ўз нафсидин кўрулгай. Дағи қилғон—қилмоғон ношойиста ишдин тенгри таоло ҳазратида тавба

қилилғай ва бўлғон—бўлмоғон нобойистадин худойи таоло даргохида инобат вокеъ бўлған. Шак йўктурким, асру бот максуд восил ва мурод хосил бўлғай, албатта.

Ўзунгизни таскин бериб, ғусса туғёнида тенгри ёди била иштиғол кўргузгайсизким, оз фурсатда азим ёруғлар етишгай, деб густоҳлик қилилди, вассалом,

Даврон базмида ким бир мурод жоми ичтиким, сўнгра юз номуродлиғ хуноби сумурмади ва сипехр анжуманида ким бир иззат маснадиға мутамаккин бўлдиким, оқибат юз мазаллат туфроғига ўлтурмади; абнойи замонға ким бир вафо гули очтиким, алардин юз жафо тикани бағриға сончилмади; ахиббони давронға ким бир муҳаббат эшиги очтиким, алардин юзига юз адоват абвоби очилмади. Даҳр бозорининг нақди рўйандуддур ва айём жашнининг шаҳди заҳролуд. Бу жиҳатдин кўзларин басират шамъи ёрутқонлар дунъё сори кўз солмайдурлар ва кўнгулларин ҳидоят зилоли оритғонлар олам меҳрини зарраи кўнгулга олмайдурлар.

Аммо агарчи сипехр золининг макри бешумордур ва лекин хунари дағи бордурким, нечукким, иззу улосининг мадори йўқтур, банду боласининг хам эътибори йўқтур.

Андокким, жоху жалолиға вафо бўлмас, мехнат ва малолиға дағи бақо бўлмас. Басо бандким, анинг зимнида кўп кушодлар ва басо номуродлиғким, анинг сўнгида ўкуш муродлар бўлғай. Яъс қаро шомидин сўнгра субхи уммид тулуъ этар ва баъс зулмоти зимнида хаёти жовид навиди етар.

Барча холатда шукр вирди забон ва барча малолатда сабр хирзи жон бўлмок авлодурур. Ва бу тарийкни алардин яхширок ким бўлғай — билғай. Ва риоятин ҳам алардин ортукким килғай — кила олғай. Тенгри таолоға ибодат ва подшоға дуони мудовамат килмок вожибдурур.

Умид улким, борча меҳнатлар давлатқа ва борча паришонлиғлар жамъиятқа бот мубаддал бўлғай. Омин, ё раббил оламин.

85

Куллуқ арзадошт улким, Абушаҳма Баҳодирға¹⁰⁰ фарзандғинаси воқиаси юзлангандин сўнгра шаҳрға келиб, юқори ўтти. Ул ҳодиса жиҳатидин ҳазинлиғи беғоят ва ғамгинлиғи бениҳоят эрди. Аммо чун подшоҳи исломнинг шафқат била чорасозлиғи борча ғамзадалар дардиға даводур ва марҳамат била банданавозлиги борча мотамзадалар ранжиға шифодур, умид улдурким, анинг дағи бу жароҳатиға марҳаме етиб, андин кўнглига коме етгай ва бу заҳмиға иложе етишиб, андин жониға ороме юзлангай.

Эй сенинг лутфунг ила шод бўлиб ғамзадалар, Жон топиб, нафҳаи хулқунг била мотамзадалар.

Хақ субҳонаҳу ва таоло подшоҳи марҳаматгустар ва султони бандапарварнинг сояи давлатин ва зилли шафқатин борча маҳзун бандалар ва мағбун сарафкандалар бошига поянда ва мустадом тутсун.

86

Р у б о и я: Эй тойири бахт, килсанг ул ён парвоз, Ёр олиға мендин килиб изҳори ниёз, Қуллуғдин сўнг сўзни бу навъ эт оғоз, К-эй маҳзи сахо подшоҳи банданавоз.

Рубоия:

Бандангни фирок сенсизин куйдурди, Юз қатл қиличи бошиға келтурди. Аъзосиға минг ҳажр тоши ёғдурди, Куйдирдию кукка кулини совурди.

Рубоия:

Тиргузмак агар истасанг икромингдин, Бир журъа ҳавола айлагил жомингдин, Масрур эт маҳзунни инъомингдин, То баҳравар ўлсун карами омингдин.

Чун ул вилоятдағи бандаға тааллуқ маҳсулдин ҳарне ҳосил бўлуб келсаким, борча маошқа мадад берур, ё мубаррот буқъалари такмилиға имдод еткурур — фақир ул ҳазратнинг инъомиға ҳисоб қилибмен.

Бу учурдаким, Мавлоно Худойбердини бу иш учун қуллуққа юборилиб эрди, дойим қиладурғон иноят ва саъйни бир қатла соғиндурмоқ вожиб эрди. Ул сабабдин бу журъат ва густохлиқ қилилди.

Рубоия:

То чархдурур амринга чокар бўлсун, То дахрдурур санга мусаххар бўлсун, Лутфунг хам улуска файзгустар бўлсун, Зотинг хам ўзига бандапарвар бўлсун.

87

Рубоия:

Етти манга давлат рақами тархондин Ким, келтуруб эрди бандаға султондин, Ҳам кўнглум умидвор бўлди жондин, Ҳам жонға висол ўлди тамаъ жонондин,

Бу иқбол нишониким, бандаға етишти — махмурға етган бодаи тахуро мисолғаму ўхшатайин ё биёбондағи ташналаб махрурға йўлуққан жоми зулолғаму нисбат қилайин? Тилга мазкур бўлғон ва қаламға мастур қилилғон будурким, байт:

Илохи жоми васли дилфурўзи, Мени лабташнаға бот айла рўзи.

88

Дину давлат арбоби ва мулку миллат асхоби хазратларида факири хакирнинг арзадошти улким бу фурсатда сулук бодиясининг рахнаварди ва факру фано зовиясининг сохиб дарди, шавк ва мухаббат шевасининг комили, яъни рукъаи ниёз ва ихлос хомилики, муддате бу факирлар баданиға Масихосо маколоти била жон киюрди ва рухафзо мулокоти била хаёти жовидон еткурди, ул саодатманд кишвар ва диёр ва ул равза монанд билод ва хисор сори мутаважжих бўлди.

Илтимос улким, ҳарён Хизровор ҳадам урса хужаста маҳдамини боиси нишот ва сурур

билгайлар ва ҳар қайда Довудосор дам урса, дамини мужиби инбисот ва ҳузур тасаввур қилғайлар.

Гарчи бизга бўлди рўзи ҳажридин дарду малол, Муғтанам тутсун висолин топса ҳар фархунда фол,

Хақ субҳонаҳу ва таоло дарвешдўст подшоҳлар сояи иқболин дарвешлар бошиға мустадом ва ғарибнавоз аҳли жоҳлар сармояи жоҳу жалолин ғариблар сарвақтиға бардавом тутсун, омин.

89

Рубоия: Эй нафс хавосиға гирифтор ўлғон, Шайтон ишига ишинг намудор ўлғон, Хам зухд ила иззатқа сазовор ўлғон, Хам фисқ ила олам элига хор ўлғон.

Эй саргаштаи худрой, ва эй бахти баргаштаи бесарупой, ул вақтдин бериким, мазаллат туфроғидин рўзгоринг чехрасин супурдум ва мехнат дашти саргардонлигидин паришон хилқатингни йигиштурдум. Агарчи кичик эрдинг, аммо андок эрмаски, хотирингдин махв бўлмиш бўлғай ва агарчи тифл эрдинг, андок эрмаски, замирингдин унутулмиш бўлғай!

Хаётимни сенинг тарбиятингга машъуф ва авкотимни сенинг мухофазатингта масруф илдим ва фарзандлигинг ракамини хотиримга мухаррар ва оталиг мехру шафкатин, холингта мукаррар эттим. Ою йилда бир кун, балки кечалик, кундузликта бир соат ахволингдин гофил булмадим ва риоятинг коидасин эл кургудек туздум, балки курганлар рашк юзидин хасад егудек кургуздум. Зохирингни ахли зохир фунуну фазойили била ороста ва ботинингни ахли ботин Хакойику маорифи била пийроста булурга саъй килдим, то рузгоринг покиза ойину даъб ва шиоринг тавозеъ ва тамкин булуб, ахволу афъолинг такво ва тоат била маъмур ва иштиголу хисолинг одамийлиг ва инсоният била машхур булди ва подшохи исломнинг фирдавс ойин базмида илтифот ва эхсонга абнони рузгордин мумтоз ва мулоямат ва инъомга ахли замондин сарафроз булдунг. Шохзодалар мажлисида аржуманду озодалар сухбатида сарбаланд ва уз фанининг ахли мутеъ ва фармонбардор, балки ходиму шогирдкирдор ва бу факирнинг фарзанди аржуманд курмогим ва риоятингни авлод монанд, балки акбод пайванд маръий тутмогим шох ва гадо оллида возих ва яхши—ёмон кошинда лойик булди.

Аммо дўстларим насихат юзидин ишъор килурлар эрдиким, хар мухра тожға тикилган била фируза бўлмайдур ва мийнойи шиша бўюнға оскон била зумуррад ўрнин тутмайдур ва душманларим таън ва киноят била кулоғимға урарлар эрдиким, хайнинг нопок сувин саъй била оби—хайвон килурман деган ва кеча ишнар куртнинг тийра пайкарин жахд била хуршиди рахшон ясармен деб, ҳарза хаёл килғон басоки хижолат бармоғин тишлагай ва пушаймонлиг овучин бир—бирига қоққай ва бу фақири ғофил дўст сўзи билан мутанаббих ва душман таъни била мутақоид бўлмай, сенинг тарбиятингға кундин-кунга устуворрок ва риоятингқа лахзадин—лахза беқароррок эрдим, то ишинг ул ерга еттиким, Фи—соғурс ҳаким замонидинким, адвор илмининг возии дур, Арасту замониғачаким, муаллими аввал дебтурлар ва Абу Наср Форобий чоғиндинким, муаллими соний дебтурлар, Хожа Абдулқодир зариғача маълум эмаским, бу фанда ҳеч подшоҳ замонида бу фан аҳлидин ҳеч кимга мунча тарбият ва нашъу намо воқеъ бўлмиш бўлғайким, сенга вокеъ бўлди. Аммо чун ишлар ўз ерида эмас экандур, бокиб турғунча оздинг. Рўзгоринг салохи фасодка ёнди ва афъолинг покизалиги нопокликка айланди. Насиҳатни кулоққа солмадинг ва панд била маломатни кўнгулга

олмадинг. Холингдин хабардор қилғон сойи бехабарроқ ва фиску фужурингни манъ қилғон сойи батаррок булдунг. Подшохи исломнинг мунча йилги тарбиятин ва бу факирнинг мунча вактлиғ саъй ва эмгагини ва узун йиллар тортғон риёзатини нафси шум авоси ва феъли мазмум муқтазоси била зойиъ қилдинг ва дўстларнинг хам мулоямат била панду насихатин қулоғингга олмадинг ва душманларнинг хам шиддат ва шанъатин сарик вакиноят била истимоъ килмадинг ва улуғларнинг ҳам ваид ва таҳдидин эскармадинг ва ҳақ субҳонаҳу ва таоло қошида дағи тавбалар қилиб, аҳдлар боғлаб, онтлар очиб, борчани бузуб, тенгри таолодин қўрқмадинг.

Холо не сўзишта, не ахдингға, не кавлунгға, не онтингға эътимод қолибтур. Невчунки, хар қайсини борлар маълум қилилибтур ва синалибдур.

Мунча бекоидалиғларинг асносида борчанинг талофиси ва тадоруки учун от юборурсен ва мундин ғофилки, отингни тўрт дафтардин чиқорилибтур: бир—мулозимлар дафтарида фарзандлик лақабидин, балки ошнолиқ исмидин; иккинчи — «Мажолисун—нафоис» 105 дафтарида фазл ва табъ ахли чаргасидин; учунчи — шахарнинг яхши—ёмон, улуг—кичиги қошида эрлик ва инсоният ва мусулмонлиғ ва хамият дафтаридин; тўр—тунчи — подшохи ислом хазратидаким, муборак тилларига ёмон дуонг ўтубтур. Хаёт ахли дафтаридин сен мунча турфалиғинг билаким, дину исломинг уйин бузубсен ва мундоқ шарифу азиз хотирларни ўзунгдин озурда килмок била, айтса бўлурким, Каъбани йикибсен, балки хаёт ва тириклик биносин вайрон қилибсен.

Ғафлат ва нодонлиғинг ул мартабадаким, буқъаи хайр ясамоққа ўзунгға бози бериб, битиб йиборурсенким, сени яхши йигит хаёл қилғайлар ва одамий киши соғинғойлар. Бу таманнодин юз хайхот ва бу муддаодин юз минг уёт! Сенинг мунча килғонларинг мукобаласида мен дағи сазо ва жазо еткура олур эрдим, аммо икки жихатдин еткурмадим. Бири буким, мунча панду насихат ва ташниъ ва маломат ва онт ва аймон била бировким, мутанаббих булмамиш булса, бир неча изо ва азоб била хам бўлмағусидур, балки ул изо ва азоб еткурурда бу факирнинг заъфлиғ мизожиға тараддуд ва ташвиш кўпрак етгусидур ва санга худ тафовут қилмоғусидур. Яна бири буким, сен ҳар беқоидалиғким қилибсен анга кўра сазо ва жазо топибсенким, ул подшохи ислом хумоюн хотирининг ғубори ва мураббий ва вали неъматнинг ва сойир азизларнинг кўнгулларининг озоридурким, хар бири филхакикат юз ўлумдин ортуктур, аммо бу маънидин сен ғофилсен.

Рубоия:

Эй ғофилу ғафлатқа вужудинг мағлуб, Мажмуи ёмонлиғ назарингда марғуб, Бординг дағи келмадинг бу эрди матлуб. Ёлғонларинг ичра йўқ эди мундин хуб.

90

Мавлоно Қосимға 106 сўз улким, инсон жойизул — хатодур ва лекин надомат ашкиким, иборат тавба сувидин бўлғай, гунох чиркин оритур. Ўзунгни бу навъ орик килсанг, умид улдурким, ҳақ таоло кечургай, ибодатқа не етгай. Дарвеш Алибек¹⁰⁷ хизмати била бизнинг хизматимиз орасида тафовут йўқтур ва лекин

ўзунгни яхши ясасангки, дебтурлар:

Жома чиркин макун агар карди, Пок покаш бишуй агар марди.

91 108

Куллуқ дуодин сўнгра арз улким, иноятномаким, бу бандани анинг била ёд қилилиб эрди, чун сиххатингизға мушъир ва саломатлиғингизға мухбир эрди, ошуфта хотирға мужиби ком ва музтариб кўнгулға боиси ором бўлди. Тўрт ғазалким тўрт жавохири инсонидан хабар берур эрди, балки тўрт кутуби осмонидин асар егкурур эрди — етишти. Алфозидин хўблар чинидек сахфаға оройиш ва маонийсидин аларнинг васлидек кўнгулга осоийиш юзланди. Тарокиби латофатомиз ва латофати нишотангиз таърифин қила олмағандин дуо қилилди ва шархин айта олмағандин сано айтилди. Умид улким, то жаҳон бўлғай дуо ва санонгиз тилларга жорий бўлсун ва ул дуо ва сано ўқлари ижобат хадафига корий, омин, ё раббил оламин.

92

Зотингға жаҳон мулки мусаххар бўлсун, Амрингға улус ҳукми муяссар бўлсун, Зотинг қаён этса майл сурур бўлсун, Аъдо уза мансуру музаффар бўлсун.

Қуллуқ дуодин сўнгра арзадошт улким, Мирзонинг муборак мизожлари айни саломат ва маҳзи истикоматдадур. Алҳамдулиллаҳ валминна бу учурда ҳукм йўсуни била форсий паришон абёт ва пароканда ашъорни йиғиб, девон йўсунлуқ жилд қилиниб эрди, Юсуф Алидин тобуғда юборилди. Умид улки, қабул давлатиға музайян ва писанд саодатиға мушарраф ва мустаҳсан бўлғай. Доимғи дастур била бирор иноятнома билан сарафроз қилурға мулозимлар ҳокимдурурлар.

То жахон бўлғай, жахон ахлиға сен шох ўлғосен, Шарт буким, қулларнинг холидин огох бўлғосен.

93

Хар бағир қоники, ҳажрингда кўзумга айланур, Кўз ани тўккач бағир янглиғ ҳамул дам боғланур.

Арзадошт ҳомили билмаслик ва ғафлат жиҳатидин мулозаматдан қолғон эрмиш. Эмдиким, ўз ҳолиға келубдур, билибдурким, не ҳато қилғон эрмиш. Ўз гуноҳиға мўътариф бўлиб, Мирзо карамиға эътимод қилиб, мутаважжиҳ бўлди. Умиди улдурким, бурунғи дастур била қуллуғин ҳабул ҳилилғай ва сойир ҳуллар чаргасиға киргай.

қабул қилилғай ва сойир қуллар чаргасиға киргай.

Бу матлаъ воқеъ бўлуб эрди, ул махрум қолғонининг ислохиға борди. Бу махжур қул ҳам айтқонимға ислоҳ умид тутармен, иншоллоҳ иккаласи муяссар бўлғай, деб қуллуқ арзадошт битилди, вассалом.

94

То дахр уза гунбази даввор ўлғай, Ул гунбаз уза собиту сайёр ўлғай, То собиту сайёрдин осор ўлғай, Тенгри бори ҳолингда нигаҳдор ўлғай.

Куллук дуодин сўнгра арзадошт улким, замонайи дуннинг бедоду жафоси ва сипехри

букаламуннинг зулму ийзоси шохдин гадоғача ва фосикдин порсоғача етмаган киши мавжуд эмас ва замон ахлидин мурувват ва вафо маъхуд эмас.

Аммо ҳақ субҳонаҳу ва таоло одил ҳоким ва қодир мустақимдур, умид андокдурким ҳеч мазлум то додиға етмағай ул адл эшигидин маҳрум кетмагай. Мундин ортуқ тилга ҳадди калом ва қаламға ёройи эълом йўқтурур, вассалом.

95

Олам элиға шафқат этиб аҳли ҳидо, Иршод юзидин эттилар буйла нидо Ким, ҳар кишига неъмате берди ҳудо Шукрини анинг вожиб эрур қилмоқ адо.

Хак субҳонаҳу ва таоло анча неъмат бандасиға каромат қилибтурким, анинг ҳисобини қилмоқдин нутқ лол ва қалам шикаста мақолдур. Ихтисор юзидин ва ижмол тариқидин бир нечани баён қилмоқ йироқ эмастур. Ул жумладин бири бандани йўкдин бор килмокдур ва ўз саноеъин анда намудор этмак. Яна жаҳолат зулматидин хирад анвориға тегурмак ва туфулият ғафлатидин шуур ва вуқуф давлатин насиб этмак. Яна хавос ва идрок ва таъби салиму фарси мустақим бермак ва ислом шарафи била баҳраманд дин саодати била сарбаланд қилмоқ. Бу неъматлар шукри барчаға ўз хурди ҳолиға кўра вожиб ва лозимдур. Аммо ҳукмрони соҳибжоҳларға ва нофизи фармон подшоҳларға барчадин кўпрак, невчунким бовужуди бу мазкур бўлғон неъматлар ҳақ субҳонаҳу ва таоло аларни барча бандаларидин жоҳ ва жалол била мумтоз ва азамату иқбол била сарафроз қилибтур.

Ва бу неъматларға шукр адоси бу эмиш: киши шукр лафзини тилга уюрғай, балки улдурким, амр ва нахйини бажо кетургай. Ва бу мазкур бўлғон неъматлардин куллийраки ислом шарафидурки, ҳақ субҳонаҳу ва таоло анда бандаға неча амр таклиф қилибдур. Бири ўзининг ваҳдониятиға ва пайғамбарининг рисолатиға икрор қилмоқдур. Яна бири кунда беш вақт номоздур. Яна бири йилларда бир ой рўза тутмоқдур. Яна бири мол нисоб ҳаддиға етса закоттур. Яна бири иститоат, ҳам тўртида ожиз бандасиға мусофаҳа қилибтурким, шаҳодат калимасидин агар банда юз яшаб умрида бир қатла мазкур қилмиш бўлса кофийдур. Ва рўзани сафарда ва заъф айёмида еб, эваз тутмоқнн тажвиз қилибдур. Ва закотқа нисоб ҳаддини шарт қилибдур ва ҳажқа иститоат ва амни тариқни машрух этибдур.

Аммо номозда муболаға воқеъ бўлубтурким, узр ва бахона била банда бўйнидин адо бўлмас то бажо кетурмас. Заъф ва хасталикда, ифлос ва шикастликда, совуғ ва ёғинда, душмандин кочконда ва дарё ва биёбонда саргардон бўлғонда ва хар саъб холда адо килмоғунча чора йўктур. Заъфда ўлтуруб ва кўпрак заъфда ётиб ва назъ холатида ишорат била мукаррар бўлубтур, сув бўлмоғонида таяммум била, аммо маоф бўлмайдур.

Бу давлатхох кул бу катлаким, куллукка мушарраф бўлдум, андок маълум бўлдиким, ул

Бу давлатхох қул бу қатлаким, қуллуққа мушарраф бўлдум, андок маълум бўлдиким, ул хазрат ўзларин бу таклифдин маоф тутубтурлар ва қавм ва хайллари хам доғи подшохлариға мутобаат қилиб ўзларин маоф тутубтурлар, жамоат ва тенгри таоло амрин бажо келтурмак кўзга кўрунмади. Агарчи тенгрининг бу навъ муболағалиқ амридин алар ўзларин маоф тутубтурлар, бу банда давлатхохлик сўзин айтурдин ўзумни маоф тута олмон. Тенгри учун ё тенгрининг буйруғини бажо келтурунг, ё бир оят, ё ҳадис, ё машойих нақли, ё ривояте, ё масала топилғон бўлсаким, бу амрни тарк қилмоқ керак, топилғон бўлса бу бандаға ирсол қилингизким, заъфим ғолибдур ва бу таклиф бағоят куллий.

Яна улким, салотингға ваъда будурким, ҳақ субҳонаҳу ва таоло адлдин сўрғусидур. Бас, подшоҳға вожибдур барча халойиқдин воқиф бўлмоғким, алардин бир фақирға зулм ўтмагайким, тенгри таоло подшоҳдин сўрғусидур ва бобда ҳадиси саҳиҳ бор. Банда қуллуқ

ёниб, Панждеҳқа келганда бир киши бу фақирға додҳоҳлиқ қилдиким, Мирзо навкарлари усрук они ўқлаб эрдилар ва хотунин чопиб эрдилар. Фақир аларға таскин бериб жузий харжий бериб ўттум. Чоғир ичмак авом орасида шоеъ бўлса, бу навъ иш ажаб эрмас.

Қулларининг муроди будурким, сизнинг ҳумоюн мақдамингиз ҳар қаён етса ва музаффар ливо сипоҳингиз ҳар қаёндин ўтса хайр дуосидин ўзга нима ҳосил бўлмағай.

Холо бу икки захм еган фақирлар Панждех работининг ёнидадурлар, аммо бу ишни қилғон киши ким эркани маълум эмас. Қаро улусқа забт ва сиёсат вожибдур ва чоғирнинг манъи доғи лозим ва додхохларни тилаб, яхши сўриб, арзлариға етушмак фарз, вассалом.

96

Мирзо тилидин:

Фарзанди шахид мархум Бобобек 109 фирокида

Эй, фалак ороми руху муниси жоним қани? Субҳи айшим меҳри—ю шамъи шабистоним қани?

Эй, чархи жафокор не ситамлар қилдинг, Жонимни нишонаи аламлар қилдинг, Муҳлик нафасим ўтин аламлар қилдинг, Узрунгни қўлай чу карамлар қилдинг.

Бу ғамфарсуда таним туфроғин совурурға ох ели бас эрди, бир сарвни йиқкунча сарсари хожат эрмас эрди ва бу хунолуда кўзум чароғин тийра килурға каро бахтим саводи етар эрди, бир куёшни каро ерга кийурмак керакмас эрди., Жонимни олуринг етмасму эрдиким, кўзум конин окузурунг бас эрмасму эрдиким, жонимға ажал тиғи сурарға бедод кўзгуздинг, Менга килғон зулмни хеч подшохға, йўкким хеч гадоға раво кўрмадинг ва менга урғон бедод тиғин хеч комгорға, йўкким хеч бенавоға урмадинг. Бошимға келган турлук—турлук ғаму аламғаму ўкурай, жонимға юзланған бири—бириға ўхшамас мотамғаму кўксумга тош урай! Ўз андухларимни битсам қайси бирин номада мастур этай ва ўз мехнатларимға йиғласам қай бирин навхада мазкур этай. Танимдек дарду балохўри поймоли йўқ эркандур, умид улким бўлмағай хам, ғаму кўнглумдек—ғаму ибтило андухининг ошуфтахоли мавжуд эмас эркандур, ё рабки вужуд тутмағай хам, магар хак субхонху ва таоло махзи лутфу инояти карамидин ғоятсиз дардима даво ва нихоятсиз маразу заъфима шифо каромат қилғай. Ва хидоят шамъин андоқ ёрутқайким, анинг партавидин тийра кўзум очилғай ва ўз жонбидин андок жазбу ошнолиг еткурғайким ўзидин ўзга хеч нимани асари замиримда қолмағай ва ўз дарду шавкин кўнглумга андок муставли қилғайким, анинг ёдидин ўзга хеч нима кўнглум харимида йўл топмоғай.

Толиб мени-ю ўзини матлуб этгай, Роғиб мени-ю ўзини марғуб этгай, Ошиқ мени—ю ўзини маъшуқ этгай, Ишкини ғолиб, кўнгулни марғуб этгай.

Омин, ё раббил оламин!

Банда тилидан:

Ё раб, ул давлат қуёшинг заволи бўлмасун, Нуридин кам бўлмоғининг эҳтимоли бўлмасун.

Куллуқ арзадошт улким, жон асосиға бақо йўқтур ва умр биносиға вафо йўқтур. Замона гулшанида қайси ғунча нишот била кулдиким, ҳодиса тундбодидин тўкулмади ва даҳр гулистонида қайси гул инбисот била очилдиким, вокеа сарсаридин сочилмади. Умр чаманининг гули хорсиз очилмайдур ва ҳаёт анжуманининг мули ҳуморсиз топилмайдур. Бақо сарчашмасидин сероблиғ қайда мумкин, чун «кулли ман алайҳа фана» соғари илан бермас ва тириклик шарбатидин шодкомлиғ не мутасаввир, чун «кулли нафсун зойиқат ул—мавти» қадахидин гузар эрмас.

Хар шамъи тирозки, бир шабистонни мунаввар килди, бир офат ели ани мукаддар килди ва хар сарвинозким сарафрозлиғ хавоси тутти, бир халокат самуми они тубидан курутти. Аммо гул тукулса, умид улким гулистони сероб поянда ва бардавом булғай ва агар шамъ учса маъмул улдурким, хуршеди оламтоб тобанда ва мустадом булғай, омин, ё раббил оламин!

98

Қуллуқ арзадошт улким

Сўлса бир гул гулшани иқбол бўлсун мустадом, Ботса бир кавкаб саодат чархи бўлсун бардавом.

Фарзанд мархум Бобобекки,

Ҳақ таолодин ўлсун қабри пурнур, Равони жаннат ул—маъвода масрур,

Азоси бобида дурбор қаламдин гуҳарнигор рақамким, саҳфайи кофурий нажодни нуктайи мушкин савод била оройиш бериб эрди — етишти.

Сафҳа демаким, гулистон эрур равзаи фирдавси аълодек юз турлук гул ва насрин била ораста ва руҳъа демай, бустоне эрди гулшани жаҳон ародек юз туман мулавван раёҳин била пийроста. Алфози ул фарзанднинг зоҳиридек барча ҳамида алфоз била тузалгай, маонийси анинг ботинидек барча писандида аҳлоҳ била безалган. Руҳпарварлиҳда анинг жонафзо баёнидек масиҳмисол ва руҳгустарлиҳда анинг ҳаётосо алҳонидек довудтимсол. Умид улким, то анга фано ҳилватгоҳида бенишонлиғдур, сенга баҳо жилвагоҳида комронлиғ булғай ва то анга одам каҳтида фарсудалиғдур, сенға вужуд таҳтида осудалиҳ булғай.

Вужудинг халқ учун кўп йил саломат, Саломат бирла минг йил истиқомат.

Омин, ё раббил оламин, вассалом.

99

Ниёз рафъидин сўнгра эълом улким, бу учурда ул соридин келганларнинг каломлари фахвосидин ва паёмлари адосидин андок маълум бўлдиким, таъбингизда даврон хаводисидин

жузий заъф ва озоре, мижозингизға замон навойибидин адно ғам ва изтироре воқеъ эркин бўлғай. Ташвише бўлмағай ва тараддуде юзланмағай, бори заифлар заъфини ҳақ субҳонаҳу ва таоло қут била ва маризлар маразини сиҳҳат била мубаддал қилғай. Киши юбориб, сўруб, кайфиятни билмак вожиб кўрунди, битиб юборурга мухторсиз деб, дуо ва салом битилди, вассалом.

100

Одамезод ўз ахволиға мулоҳаза қилса андинким, адам доруломони хилватхонасидин вужуд шахристони меҳнатхонасиға келибтур ва бу шахристоннинг мақому манзилларидин нечани тай қилиб, ҳоло не ерга етибдур, борча ҳолда ўз қусури аъмолин ва футури аҳволин ва убудият адосида ғафлат ва бебоклиғин ва нафсу ҳаво мутобаатида журъат ва чолоклигин топар ва ҳақ субҳонаҳудин тили қосир ва баёни отил эрканин билур.

Хусусан, жамеъки аларни хак субхонаху акл нури ва табъ хадики била ораста ва инсоф вуфури ва идрок касрати била пиироста килибдур. Бас, бу мукаддимот мукаррар бўлғондин сўнгра агар зохир юзидин зиёне ва шикастлиғе ва маъни жонбидин нуксон ва басталиғе етса шон улдур ва муносиб андок кўрунурким, киши зохир холатиға эврулғай ва ботин воридотиға айланғай. Шариат била маъмур бўлғон умурда ва тариқат била маҳкум бўлғон аҳкомда ўзин мутақассир ва мужрим билиб, надомату ҳижолат ашкин юзига тўкуб, ажзу ниёз юзин мазаллат туфроғиға суртуб, қодири мутлақ ва хокими барҳақ ҳазратида тазарруъ ва тазаллум била ўзин унутгай ва хотиридаги башарият махол хаёлларин ва замиридаги аноният вабол ва наколларин истиғфор ашки селиға оқизғай ва бошидағи раёсат нахустларин ва кўнглидаги хукумат шуюматларин истигфор охи елига учургой ва димогидаги маъно даъволарин ва назохат қабоҳатларин ажзу тазарруъ сарсариға совургай. Ва ўз камоли чехрасиға жуз нуқсон кўзи била боқмағай, балки ўз нобуд зотиға вужуд туҳматин тоқмағай. Шоядки, ҳақ субҳонаҳу маҳзи инояти ва ғояти мархаматидин анга инобат саодати ва тавба тавфики каромат қилғай. Ва бу каромат тожиға истиқомат гавҳари била зийнат бергай. Ва агар бу мулоҳаза қилурда андинким, башарият кўзи ўз ахволи кусурин ва хисоли футурин кўрарға аъмодур ва бу эхтиётларининг анинг қошида номаръи нафс эътирофидин ибо қилса ва макру хийла била ҳабисни ҳабиб ва қабихни фатх либосида ва хушнин хусн кисватида жилва бериб, тиласаким кишини бу мақомдин ўтгаргай, анинг илзомиға ақл ҳакими этагига илик урғай ва ўз мададиға келтургай. Ва агар мунинг била мағлуб бўлмаса муттафик ахбоб ва мувофик асхоб ва вафокеш ёрлару хайрандеш дўстдорлар, дилсўз мулозимлар ва мехрандўз ходимлар, балки хурдабин душманлар хирадойин гадрфанлардин ҳар тадбиру таҳқиқ ва ҳар тазвиру тадқиқ ила англағай. Андин сўнг мазкур бўлғон иложиға иштиғол кўргузуб ва ўз вақти рўзгорин, умид улдурким, тенгри иноятидин салоҳға келтурса бўлғай, ҳақ субҳонаҳу ва таоло борча факр йўлидин йироқ ва факр аҳлидин қироқ тушганларга ҳидоят била йўл кўргузгай ва иноят била йўл юрушидин мақсуд сарманзилға еткургай, вассалом.

101

Эй ким, нафсингни ҳақ деди зиллаллоҳ, Яъни, ониким зулм қуёши ногоҳ, Куйдурмак била айласа ҳолини табоҳ, Бергайсен анга сояи адлингда паноҳ.

Қуллуқ арзадошт улким, мазлумеким, бу давлатанжом замонда ва махрумеким, бу саодат фаржом давронда бир қари хушҳол ва фориғбол кечурубдур, бу вақтда фалак инодидин ва

золимлар бедодидин анга ажаб холлар ва холиға ғариб ихтилоллар даст бериб юқори юзланди.

Умид улким, лутфи умимдинким, мажрухлар жарохатининг шифосидур ва хулки каримдинким, ранжурлар дардининг давосидур, баданиға кут ва кўнглиға сиххат ва рўзгорига жамъият ва ахволиға рафохият юзлангай, омин, ё раббил оламин.

102

Ул шах тобуғиндаким эрур маъдани жуд, Шаҳлар аро бўлмағай бир андок мавжуд, Ҳам волиди покидек ҳисоли маҳмуд, Ҳам аҳтари толеъдек исми Масъуд.

Куллуқ дуодин сўнгра арзадошт улким, йиборган жузвки, аврок қиёсидин секиз бехиштдин намудор эрди ва маоний абкори ғавғосидин хур анжум анда ошкор. Ҳар обдор лафзи куйган кўнгуллар ўтиға таскин ва ҳар оташбор калимаси совуғон юраклар ҳароратиға барқойин. Мисралар салобатидин Масиҳ анфоси хосияти анда пайдо ва байтлар латофатидин ҳаёт суйи натижаси онда ҳувайдо — бу фақирға етишти. Ўқумоғдин руҳ тоза, такроридин кўнгулга файзи беандоза ҳосил бўлди.

Бу нотосоннинг паришон назмлариким, юборурга ишорат бўлуб эрди, онинг тартибиға машғул бўлулди. Ҳар ойина умид улким, олий мажлис худдоми мутолаасиға бот мушарраф бўлғай.

Афлокча тахти иқтидоринг бўлсун, Анжумча сипохи бешуморинг бўлсун, Хақ хифзу сиёнати хисоринг бўлсун, Яъни, бори ишта тенгри ёринг бўлсун.

Омин, ё раббил оламин.

103

Ниёз рафъидин сўнгра эълом улким, Хожа Аҳмад¹¹⁰ келди ва юборган руқъангизни келтурди. Битиб эрдингизким, назмларингиздин муддатеким битиб юбормайсен, ҳоло ҳам бўлса битиб юборгилким:

Қадри зар заргар шиносад Қадри жавҳар жавҳарий.

Бу корхонада мусаллам тутарбизким, сиз жавхарий бўла олурсиз. Аммо бизда ул жавхар йўктурурким, сизнинг назарингизда еткурур қобилияти бўлғай. Мисранинг яна бир рукнининг хам ушбу хукми бор. Яна фасли билохирда хазрат махдумзода таърифида муболаға қилиб эрдингиз, ул таъриф мукиби хушхоллиқ ва умидворлиқ бўлуб эрдиким, мунинг асносида аларнинг бир муборак китобати келди. Илтифот қилиб сўзларким битибтурлар, бириси будурким, хар жафо қилсангиз иликингиздин келур. Мулохаза қилинг, бизнинг илкимиздин не жафо келур? Балки элдин бизга жафо етишса тахаммул қилурмиз, ҳазрат махдумзодаға не нисбат била жафо қила олғаймен. Ва тенгри таборак ва таолоға назрим борким, ҳеч кишига интиқом мақомида бўлмағаймиз. Яна бу эшикда қайси мансабдурким, менинг анда дахлим бўлғай, сизнинг иш-кучда, тақсир қилмиш бўлғанмен. Мирзо мажлисида маҳол бўлғайким,

такриб била сўз вокеъ бўлса, хошоким анда худ бу муддатда таксир вокеъ бўлмиш бўлғай. Ул доғи ҳам тўрт—беш күнда бир қатла борурда. Агар тақриб бўлса тақсир бўлмас ва махдумзоданинг хеч ишига минъахд эрмас эрдим. Бу тошининг, хам такрибин агар сиз унутибсиз, мен унутмайдурменким, қайдин воқеъ бўлди. Бар такдиреким, минъахд бўлғон бўлсам, доғи одамезод мараз айёмида фаройиз ва вожиботдин маофдурур то ўзга ишларга не етгай? Махдумзоданинг, то шахрда эрдилар, алар мулозаматида худхусусият йўк эрди. Машхад йўлида алар йўлуққонда жузвий мулозаматеким қилди, онча азим уш-шон аҳленинг кинояти била таарруз ва ташнеъларин эшитдиким, ул фузуллукдин хам пушаймонлик даст берди. Икки йилға яқиндурким фақир мараз тортадурмен. Султон Бадиуззамон Мирзодин Хайдар Мухаммад Мирзоға дегунча сархаддағи жамиъ махзумзодалар кишилар юбориб сўрдурдилар, руқъаларида анвои риоят хотир била дилжўйлиғлар қилиб. Бовужудким, махдумзода борча оғаларининг қоидасин тахаллуф қилиб, бекдин рукъа битиб сўрдура олмадилар, бу фақирнинг андин ва хеч киши дин тамаъим йўктур. Хеч бирда изхори шикоят килмадим. Алар хам сар ба сарга хам рози булмайин. Бу факирни узларига жафо килмокка нисбат берибтурлар. Андокким рукъани сизга юбордук, агар сиз била эркандурур мужмал битигунча ул жавобни муфассал била битисангиз керак эрдиким, инсон жоиз ул — хатодур шояд вокеъ бўлмиш бўлғай. Агар сизнинг вукуфингиз йўк эркандур, сиз таърифлар билан факирни ёд килсангиз эрди, харгиз факирға мунча куфт етмаган эрди. Фақирни жафокашликка нисбат қилибтурлар. Агарчи сўз кўп эрди, маълул бўлмоғонсиз деб ушмунчаға ихтисор қилилди.

«МУНШАОТ»НИНГ ИЗОХ ВА ТАРЖИМАЛАРИ

- 1. Одоби таснифга кўра бу ерда Оллох хамди келади. Навоий асар мохиятидан келиб чикиб, Худони Қуръони мажидни иншо қилган — яратган мунши деб таърифламоқда.
 - 2. Тарж. ар.: улуғлиги юксак ва неъматлари умумий.
- 3. Мухаммад пайғамбар туфайли мазкур имло (яъни, шариат аҳкомлари) замон сахифаларига ёзилгани баён этилади.
 - 4. Тарж. ар.: Унга (яъни пайғамбарга), оиласига ва сахобаларига мақтовлар бўлсин.
 - 5. Тарж. ар.: Осмоннинг қандай кўтариб қўйилганлигига...
 - 6. Тоғларнинг қандай тикланганлигига...
 - 7. Тарж. ар.:Шароб ва унинг кайфидан юрагим харорат билан куйди.
 - 8. Тарж. ар.: Хурматли кишилар олдида узр макбулдир.
- 9. Юсуф Ёкуб пайғамбар ўғли, гўзаллиги билан машхур бўлган. «Юсуф ва Зулайхо» қиссаси Шарқда кенг тарқалған эди. Навоий бу ўринда ана шу қиссаға ишора қилади.
 - 10. Тарж. ар.: Дунё осмонини чироклар билан безадик.
 - 11. Тарж. ар.: Шиша ичидаги чирок каби.
 - 12. Тарж. ар. Денгизлар ўртасида очилганда.
 - 13. Тарж. ар.: Денгизлар қўзғатилганда.
- 14. Мазкур мактуб ва ундан кейинги 8 рақамли мактублар Муншаот»нинг илгариги нашрларига кирмаган.

 - 15. Тарж. ар.: Оллоҳга ва унинг неъматларига ҳамд. 16. Тарж. ар.: Томири ерда ва шоҳлари осмонда. 17. Тарж. ар.: Улар ҳам булутлар юргандек юрарлар.

 - 18. Тарж. ар.: Тагидан анхорлар оқади. 19. Тарж. ар.: Мевалар, хурмолар, анор? 20. Тарж. ар.: У асло ўлмайди, доимо тирик, унинг шаъни муқаддас ва олийдир.
- 21. Навоий асарлари ўн беш жилдлиги таркибидаги «Муншаот» да мазкур мактуб кейинги мактуб билан қушиб юборилган. Уларнинг икки алохида мактуб эканлигини адабиётшунос Ю. Турсунов аниклаган. Биз ҳам «Муншаот» қулёзмалари билан танишиб, ҳамда мактублар мазмунидан келиб чикиб, бу ўринда Ю. Турсунов хак деган хулосага келдик.
 - 22. Тарж. ар.: Ким тангрига бўлса, тангри ул кишига бўлур.
 - 23. Тарж. ар.: Нафс эрта нима бўлишини билмайди.

 - 24. Бу жумланинг маъносини англаб етмадик.25. Оллох хохлаган ва истаган нарсасини хукм килади.
 - 26. Тарж. ар.: Оллох адл ва эхсонга буюради.
- 27. Тарж. ар.: Бир соатлик адолат икки дунё (инсонлар ва жинлар дунёси) ибодатидан яхширокдир.
 - 28. Тарж. ар.: ярамасликлар онаси.
- 29. Мавлоно Гиёсиддин Жалолий Навоий мулозимларидан. 30. Султон Али Машҳадий машҳур ҳаттот. Уни «Қиблат—ул—китоб», деб таърифлашган. Хусайн Бойқаро саройида хат—тотлик қилган.
 - 31. Тарж. ар.: Оллоҳга ҳамдлар бўлсинки, ўз бандасига китоб нозил қилди.
- 32. Тарж. ар.: Қул ва унга тегишли ҳамма нарса ҳожасиникидир. 33. Мавлоно Мир Ҳусайн Бовардий Хуросоннинг таниқли фозилларидан. «Мажолис ун нафоис»нинг тўртинчи мажлисида у хакда маълумот мавжуд.
 - 34. Тарж. ар.: Хар бир нафс ўлим шарбатини тотувчидир. 35. Тарж. ар.: Хар бир киши бизга ўтувчидир (бизга қайтади).

 - 36. Тарж. ар.: Иш буюрилган киши узрлидир.

- 37. Сулаймон ибн Довуд Яхудийлар подшохи ва пайғамбар. Байт ул-муқаддасни таъмир қилган. Инсу жинс, қушлар тилини билган, оқил ва доно бўлган.
 - 38. Тарж.: Сафар қилинг, саломат бўласиз.
- 39. Шайх Мухаммад Мирохур нуфузли мулозимлардан. У оркали Навоий шохга ёхуд юксак мавкеъли шахсга мактуб йўллаган.
- 40.. Султон Махмуд оғо бу шахс юқорида Шайх Мухаммад мирохурдан юборилган хатнинг жавобини олиб келган.
 - 41. Мухаммад Аминбек Хусайн Бойқарога хизмат қилган беклардан.
- 42. Хожа Фахриддин битикчи Астрободнинг нуфузли ва эътиборли кишиларидан. У подшох буйруғи билан Хиротга чақирилган эди. Бу ерда унинг буйнига қандайдир айблар қуйилиб, қамоққа олинади. Сунгра Мухаммад Аминбек, Султон Ахмадбек ва Дарвеш Мухаммад сувчи деган бекларга Астрободга бориб Хожа Фахриддиннинг мол—мулкини мусодара қилиш, қариндош- уруғларини ҳам қамоққа олиш буюрилади. Улар Астрободга бориб, фармонни бажаришга киришадилар. Астробод хокими Мўғулбек аввал уларга подшох фармонини бажаришда ёрдам беради. Кейин эса, битикчи қавми тарафига ўтиб, исён кўтаради, хожа Фахриддиннинг қариндош—уруғларини озод қилади. Муҳаммад Аминбек бошлиқ беклар Хиротга қайтиб, бўлган воқеаларни айтадилар. Подшоҳ Астрободга Бадиуззамонни юборади.
- Мўғулбек Ироққа қочади. Мактуб шу воқеалар муносабати билан ёзилган.
 43. Устоз Бехзод машхур мусаввир ва наққош. Навоий унга хомийлик қилган. Бу ўринда Бехзод Салмон Соважийнинг «Фирокнома» асарига тасвир яратиш мумкинлиги ҳақида сўз кетмокда.
- 44. Шайхим Амир Шайхим Сухайлий. Навоийнинг яқин дўсти, шоир ва давлат арбоби. Унинг номини Навоий ўз асарларида турли муносабатлар билан кўп тилга олади.

 - 45. Мир Сайид Абу Исхок Навоийга шохдан мактуб ва совғалар келтирган шахс. 46. Мавлоно Худойберди Навоийинг топшириғи билан шох хузурига борган шахс.
- 47. Абдулкарим бу шахс Бадиуззамон Мирзодан Хусайн Бой қарога хат олиб келган. Мазкур хат Навоий воситачилиги билан шохга топширилган.
- 48. Мўғулбек Хусайн Бойқаронинг улуғ бекларидан. Аввал Хиротда, кейин Астрободда ҳоким бўлган. Умрининг охирида исён кўтариб, Ирокқа қочиб кетган ва ўша ерда ўлдирилган.
 - 49. Тарж.: май ичгилу, хушёр бўл.
- 50. Илдирим Бадиуззамон Мирзо хузурида мирохур вазифасида хизмат қилган. 51. Ҳайдар Навоийнинг жияни. Сабуҳий тахаллуси билан шеър ёзган. Навоий Астрободдалик пайтида уни бир иш билан Хиротга юборади. Бу ерда у подшох одамлари Астрободда Навоийни захарламокчи бўлганлиги хакида сўзлайди. Шу сабабли подшох ғазабига учраб зиндонга солинадн. Кейинчалик бошка бир бахона билан қатл қилинади.
- 52. Султон Махмуд Мирзо Султон Абусаиднинг ўғли. Аввал узоқ йиллар Хисорда, умрининг охирида бир неча ой Самаркандда подшох бўлган.
 53. Махмуд барлос — темурийлар Давридаги нуфузли ва эътиборли беклардан. Султон
- Абусаид даврида Кирмонга хоким этиб тайинланган. Кейинчалик Хисорда Султон Махмуд Мирзо қошида улуғ бек бўлган. Шеърлар ҳам ёзган. У ҳақда Навоий «Мажолис ун —нафоис»да маълумот бериб ўтади. Бобур ҳам «Бобурнома»да тилга олган.
- 54. Мавлоно Сохиб «Мажолис» да Навоий уни «Кабуджомалиғ, таъби яхши, ғойибона шатранжни хўб ўйнар эди», деб таъриф қилади. Навоийнинг яқин сухбатдошларидан бўлган. 55. Мазкур хатни олимлар Хусайн Бойқарога ёзилган, деб хисоблашган. Аслида эса бундай
- эмас. Хатда Навоий адресат, номини имо—ишоралар билан кўрсатган. Мана ўша сўзлар: «Ул қаламгаким, варақ ҳошиясида бадоеъ нукта суруб замон нотавонин масрур қилибтур — етти иқлим якқалам бўлсун...» Бу ерда Бадиуззамон исмига ишорат бор. Демак, хат Хусайн Бойқарога эмас, Бадиуззамонга ёзилган.

- 56. Юсуф Али Навоий мулозимларидан. У Машхаддан Навоийнинг «оғзи сирештлиғ» (ёпик, махфий) хатини олиб келган.
 - 57. Шайх Алибек Машҳадда Навоий билан бирга бўлган.
 - 58. Хусайнкулибек Бу ҳам Машҳадда Навоий билан бирга бўлган.
- 59. Хожа Хожи Маҳмуд Табризий мактубдан маълум бўлишича бу шахс эътиборсизлик ва хоксорликда қолган. Навоий подшоҳдан унга илтифот кўрсатишни сўрайди.
- 60. Хожа Ғиёсиддин Хофиз Дехдор Хожа Дехдор номи билан машхур. Навоийнинг яқин кишиларидан.
- 61. Жабраил Оллохнинг турт фариштасидан бири. Пайғамбарларга Оллохнинг вахйларини етказувчи.
 - 62. Арслонбек ахтачи бу шахс Навоийга Бадиуззамон Мирзо мактубини етказган.
 - 63. Тангри ризоси ота ризосига вобастадур, тангри ғазаби ҳам ота ғазабига вобаста.
- 64. Хаким Сулаймон Туркий машойихлардан. Ахмад Яссавий муриди. Сулаймон Боқирғоний номи билан шоир сифатида ҳам машҳур. Навоий уни «Насойим ул—муҳаббат»да зикр этган.
- 65. Адиб Аҳмад Навоий уни ҳам «Насойим» га киритган. «Қутадғу билиг» нинг муаллифи. Туғма кўр бўлган.
- 66. Иброхим Халил Иброхим пайғамбар. Халил унинг лақаби. Каъбани бунёд этган. Икки ўғли бўлган: Сорадан Исхок ва Хожардан Исмоил.
 - 67. Озари буттарош Иброхим пайғамбарнинг отаси.
- 68. Бойсунғур мирзо (1399—1433/34) Шохрухнинг ўғли. Адабиёт ва санъатга, наққошлик ва хаттотликка иштиёки баланд булган. Фирдавсий «Шохнома» сининг тулик матнини туздирган ва ўзи сўзбоши ёзган.
- 69. Бобур Мирзо Султон Абулкосим Бобур. Бойсунғурнинг ўғли. 1452—57 йилларда Хуросон хукмдори бўлган. Навоийнинг отасини Сабзавор хокими килиб тайинлаган. Навоийнинг отаси вафот этгандан сўнг, Бобур ёш Алишерга хомийлик кўрсатган, уни сарой хизматига қабул қилган. Навоий бу подшохни ўз асарларида илиқ бир самимият билан эслайди. Абулқосим Бобур шеър ҳам ёзган, «Мажолис»да зикр этилган.
- 70. Улуғбек мирзо Шохрухнинг ўғли, амир Темурнинг набираси, асл исми Мухаммад Тарағай (1394—1449), буюк олим, астроном, давлат арбоби. Самарқандда расадхона (обсерватория) қурдиргаи ва илмий кузатишлар олиб борган. «Зижи Кўрагоний» номли юлдузлар жадвалини тузган. Тарихга доир «Тўрт улус тарихи» номли асари хам бор.
- 71. Абдуллатиф Улуғбекнинг ўғли. Отасини қатл эттирган. Олти ой подшохлик қилгандан сўнг ўзи ҳам ўлдирилган. Абдуллатиф шеърлар ҳам ёзган.
 - 72. Жахоншох Жахоншох мирзо туркман, Ирок ва Озарбайжон хукмдори (1438 1467).
 - 73. Хасанали Жахоншох мирзонинг ўғли.
- 74. Темурбек амир Темур Кўрагоний (1336 1405), буюк давлат арбоби, жахонгир
 - 75. Дарвеш Мухаммад сарой мулозимларидан.
- 76. Зафарнома» Шарафуддин Али Яздийнинг Темурбек Кўрагонга бағишланган тарихий
- 77. Хофиз Муҳаммад Саноий —Афтидан бу шахс шариат аҳкомларини яхши билган аллома бўлса керакки, Навоий Бадиуззамонга шаръий умурлар бобида ундан фойдаланишни тавсия килади.
- Мир Зайнулобидин Астробод ашрофларидан. 78. Навоий Бадиуззамонга Мир Зайнулобидинни хурмат қилишни, унга илтифот кўрсатишни тайинлайди. 79. Муштарий — Юпитер, форсийда Биржис. Илми нужумда «Саъди Акбар», «Фалак
- қозиси» деб юритилади, жойи олтинчи фалакда эмиш.

- 80. Султон Мухаммад Мирзо Шу номда Хусайн Бойқаро ва Хадича бегимлар набира курганлари муносабати билан ёзилган табрик мактубидир.
- 81. Бегим Хадича бегим. Аввал Абусаид Мирзонинг ғунчачиси (канизаги) бўлган. Бобур у ҳақда ёзади: «Муҳаммад Мўмин мирзони анинг саъйи билан ўлтурдилар. Султон Ҳусайн мирзонинг ўғлонлари ёғиқтилар, кўпраки мунинг жиҳатидан эди, ўзини оқила тутар эди, вале беақл, пургўй хотун эди, рофизия ҳам экандур (2316).
- 82. Бу ўринда Жомий вафоти тўғрисида сўз кетмокда. Бу хат ҳам «Муншаот»нинг аввалги нашрига кирмаган.
- 83. Тарж. ар.: Ҳар бир нарсанинг ҳалокати сабаб биландир. Оллоҳдан бошқа ҳамма нарса ҳалок бўлувчидир.
 - 84. Тарж. ар.: Дунёда ғарибдек ва мусофирдек бўл (хадис).
 - 85. Тарж. ар.: Қудратли малик хузурида сидқ ўрни.
- 86. Жомий (1414—1492) олим ва шоир. Навоийнинг дўсти, маслакдоши, ҳамфикри, 1476 йилда у Жомийни ўзига пир сифатида танлаган. Жомий вафотидан кейин Навоий унинг хотирасига бағишлаб «Хамсат ул—мутаҳаййирин («Ҳайратланганлар бешлиги») асарини ёзган.
- 87. Санжар Навоий бу ерда салжуқийларнинг охирги подшохи Султон Санжарга ишора қилади. Унинг пойтахти Мар шахри бўлганлиги, Хусайн Бойқаронинг ўғли Абулмухсин ҳам Марвда ҳукмдор бўлганлиги сабабли Навоий уни «тахти Санжар узра шоҳ», деб таърифлайди.
 - 88. Абулмухсин Хусайн Бойқаронинг ўғли. Онаси Латифа Султон оғача бўлган.
- 89. Мухаммад Маъсум Хусайн Бойқаро ўғли. Кандахорда хоким бўлган. Унга Улуғбек мирзонинг қизини олиб бергаи эди. Отаси ҳаётлигида вафот этиб кетган.
 - 90. Музаффар Хусайн Хусайн Бойқаронинг ўғли. Онаси Хадичабегим.
 - 91. Сафиябека подшох хонадонига мансуб аёллардан бўлса керак, деб тахмин қиламиз.
- 92. Сайд Бадр Хусайн Бойқаро амирларидан шоҳга яқин, доимий улфати бўлиб, рақсга ҳам тушар экан. Мири Мўғул Мўғулбек. Ҳусайн Бойқаро бекларидан. Маълум муддат Ҳиротда, кейинроқ Астрободда ҳоким бўлган. Сўнгра исён кўтариб Ироққа қочиб кетган ва ўша ерда ўлдирилган.
 - 93. Мухаммад Кўкалтош Хусайн Бойқаро мулозимларидан.
 - 94. Махмуд бу шахс ҳақида бошқа маълумот тополмадик.
 - 95. Мир Дарвеш Мухаммад сувчи шох саройида саққо бўлган.
 - 96. Устодзодаи Чанги мусикачи, чангда куйлар ижро этган.
 - 97. Банда Бобо шох надимларидан.
 - 98. Афзал Хожа Афзал. Хусайн Бойқаро вазирларидан. Навоий билан яқин дўст бўлган.
- 99. Шох Ғариб Мирзо Хусайн Бойқаро ва Хадичабегимнинг ўғли. Лақаби Абулфаворис (Фаворис фориснинг кўплиги, шер, суворий демакдир), букри бўлган, оила курмаган. Иктидорли шоир бўлган. Мажолисда шеърларидан намуналар келтирилган. Навоий бу шахзода мадхида «Фарход ва Ширин» достонида алохида боб ажратган, вафотига бағишлаб марсия ёзган.
- 100. Абушаҳма Баҳодир мактуб мазмунидан аён бўладики, бу шахс бошига мусибат тушган. Навоий шу муносабат билан унинг кўнглини кўтариш, тасалли беришни подшоҳдан илтимос қилган.
- 101. Фисоғурс ҳаким Пифагор (милоддан аввал VI аср), қадимги юнон файласуфи, диний ва сиёсий арбоб. Мусиқа илмнинг ҳам асосчиси ҳисобланади.
- 102. Арасту Аристотель, милоддан аввалги IV аср, қадимги юнон ҳакими. Навоийнинг «Садди Искандарий» достонида Искандарнинг устози ва маслаҳатчиси сифатида талқин этилган.
- 103. Абу Наср Форобий (260/1874 339/1950) буюк олим, файласуф. «Арастуйи соний», «Муаллими соний» лақабларига сазовор бўлган.

- 104. Хожа Абдулқодир XIV асрда шухрат қозонған машхур чолғучи созанда.
- 105. «Мажолис ун-нафоис» —1492 йилда ёзилган ва 1498 йилда Навоийнинг ўзи иккинчи тахририни амалга оширган. Унда 459 та шоир ҳақида маълумот ва асарларидан намуна келтирилади.
 - 106. Мавлоно Қосим Навоийнинг хизматига ўтмоқчи бўлган Дарвешали мусохибларидан.
- 107. Дарвеш Алибек Навоийнинг укаси, Балх хокими хам бўлган. Навоий вафотидан кейин истеъфога чиқиб, 1563 йилда Шайбонийхон, 1511 йилда Бобур хизматига кирган.
- 108. Мана шу мактубдан бошлаб қолган мактублар «Муншаот»нинг аввалги нашрига кирмаган. Уларнинг айримларини адабиётшунос Ю. Турсунов Туркияда сақланаётган «Муншаот» фотонусхасидан олиб эълон қилган. Кейинроқ бу мактубларнинг аксарияти ўзимиздаги қўлёзмаларда ҳам мавжудлиги маълум бўлди.
- 109. Бобобек подшох хонадонига мансуб ёшлардан. Мактубда унинг вафоти хакида сўз кетади.
 - 110. Хожа Ахмад шахзодалардан бирининг хизматида бўлган шахс.
- 111. Бадиуззамон Мирзо Хусайн Бойқаронинг тўнғич ўғли. Онаси Санжар Мирзо Марвийнинг қизи Бека Султонбегим. 1506 йилда отаси вафотидан сўнг тахтга ўтиради. 1507 йилда Шайбонийхондан енгилиб, Шох Исмоил хузурига қочади. Турк султони Султон Салимшох Исмоил билан урушиб, Табризни ишғол қилгач Бадиуззамонни 1514 йилда Истанбулга олиб кетади. Кўп ўтмай тоун вабо касалидан вафот этади.

Навоий бу шахзодага катта умидлар боғлаган, у билан шох орасида низолар пайдо бўлганда, уларни яраштириш учун ҳаракатлар қилган. «Муншаот» таркибидаги қатор мактублар Бадиуззамонга ёзилган. Шоир достонларида алоҳида бағишловлар, «Мажолис»да ҳам маълумотлар бор.